

甘肅青史略正編卷十八

清世宗癸 雍正元年秋青海羅卜藏丹津叛命川陝總督年羹堯四川提督岳

鍾琪討之

羅卜藏丹津者和碩特顯貴汗之孫也初青海乃喀木蘇衛諸部古特四

孫游牧青海而喀木納其賦惟以藏衛二部給達賴班禪順治十三年顯貴汗卒其子

丹所破阿拉善王來投舉祖賜以賀喇山游牧地青海汗遂絕及聖祖出塞青海顯貴汗

子孫入臺吉親入親時顯貴汗惟達什巴圖尙存賜爵親王餘授貝子且其子孫

西藏功於是入家復振噶爾丹及策妄兩世親親青海皆震懼中國軍威不敢輕犯休

百年掉蔽西陲羅藏中和碩特末年為策妄所覆而青海之和碩特部如故也至是達什

巴圖之子羅卜藏丹津親王爵從大軍入藏歸以青海及唐古特舊皆和碩特部屬而已

仍故號不得復稱王貝勒公等爵而自號達賴澤喜以統之欲脅諸臺吉率已婚妻齊

備汗據唐古特以逃制青海親王察罕丹津郡王額爾德尼等不從遂受羅卜藏丹津之

兵矣

及玉樹納克書遠近各番俱屬青海分轄歲納番巴居雜諸羌番遠甘涼廣順四十一年命刺麻商南多爾智招撫內附封固始汗子孫羅卜藏丹津為王其餘亦授以員外郎子公台吉等職即以刺麻商南多爾智住實撫理夷情後郎中二郎保員外郎馬爾漢侍郎常壽相繼辦理至雍正元年羅卜藏丹津以青海蒙古有拂其意者輒自征伐侍郎常壽奉命解和而羅卜藏丹津遠背與同黨阿拉克諾木齊阿爾布坦澤布等巴扎布等益肆猖狂是年九月帝命川陝總督年羹堯至西甯以觀形勢十月羅卜藏丹津迫脅各寨古暨內外諸番侵犯西甯南北西三川焚虜村堡是時各族番人大寺刺麻亦有蠢動者

八月察罕丹津內奔至河州

時親王載青和碩齊察罕丹津領兵與羅卜藏丹津精持外侍郎常壽即令進邊居住其餘人衆令伊寨桑管束邊外防守要隘

九月命年羹堯備兵擒勦羅卜藏丹津

羅卜藏丹津攻察罕丹津已渡黃河帝命羹堯備兵擒勦

案東華錄雍正元年青海蒙古親王羅卜藏丹津貝勒益蘇克汪扎爾等率兵四千侵郡王額爾德尼厄爾克托克托奈敗之掠其牛馬餘衆逃散郡王等率妻子至甘肅求救於撫遠大將軍延信信令暫住蘇油口以待朝命尋其姪噶爾丹達錫亦來歸秋七月上令紫西甯青海侍郎常綬亦作壽與年羹堯商酌和解之如藉此犯邊不可不懲治七月二十二日又遣侍郎常壽抵羅卜藏丹津駐牧之沙拉圖宣旨令伊等兄弟罷兵和睦羅卜藏丹津備言戴青和碩齊察罕丹津額爾得尼厄爾克托克托奈進害惡仍欲渡河與決

羅卜藏丹津有衆一萬二三千人其意欲先滅額爾得尼厄爾克托克托奈再
滅察罕丹津獨占青海又遣使準噶爾欲與之連兵入寇帝見其反形已露令川陝總督
備兵擒勦九月二十日川陝總督年
羹堯自甘州起程十月初至西甯

冬十月以川陝總督年羹堯爲撫遠大將軍四川提督岳鍾琪參贊軍務

初青海有

大喇嘛曰察罕諾們汗自西藏分支住持塔爾寺爲黃教之宗番夷信響丹津以術誘煽
使從已大喇嘛既從於是遠近風靡游牧番人喇嘛等二十餘萬同時騷動犯西甯掠牛
馬抗官兵至是年羹堯自甘州移駐西甯相機行事因授爲撫遠大將軍改貝勒廷信爲
平逆將軍羹堯因奏前鋒統領蘇丹經事頗多岳鍾琪總統綠旗土司兵丁請授爲參贊
大臣

羅卜藏丹津執侍郎常壽於堪布廟筆帖式多爾濟死之

先是駐西甯辦事侍郎常壽往諭羅卜藏丹津

至巴爾布拉克羅卜藏丹津云我等往察罕托羅海會盟再議行至和爾地方忽有賊二
三千突至執常壽並劫去輜重筆帖式多爾濟情賊腹辱自刎而死常壽被禁堪布廟中

賊犯鎮海堡

先是羅卜藏丹津聚集各臺吉肆行邊外大將軍年羹堯令又木多總兵官
羅瑛率兵截其赴藏之路令靖逆將軍富寶安調吐番番駐防副將軍阿喇

納爾滿洲蒙古綠旗兵住布隆吉爾未幾賊犯鎮海堡都統武格率兵援救時厄魯特兵
二千番賊千餘圍堡賊陸續添兵日夜轉戰參將宋可進往援賊敗走殺厄魯特兵六千

餘人並擒獲叛歸羅卜藏丹津之多巴囊素阿旺丹津

羅卜藏丹津攻西甯南川口尋圍申中堡守備馬有仁參將宋可進等擊敗之

城攻南川口官兵據申中堡賊遂圍之堡內囊素潛與賊通欲鑿牆而入守備馬有仁等奮力抵禦參將宋可進等率兵往援內外夾攻賊敗還遂滅囊素

十一月賊犯北川新城

賊二千餘侵北川新城游擊馬成輔擊之殺傷甚衆副將王嵩參將宋可進等率兵往援破賊六營賊敗走

大將軍年羹堯遣涼州總兵楊盡信率兵擊莊浪番

謝爾蘇厄爾布爾族助逆據莊浪番子山茨爾滿年羹堯

調兵四千令涼州總兵楊盡信率之四面夾攻斬首數百級俘獲其妻子生擒厄爾布爾布賊首魯木受等二人謝爾蘇厄爾坎柱等六人斬之

大將軍年羹堯遣兵收復西甯北川

西甯北上北塔下北塔地數百里皆為蒙古回子佔據丁來糧裕索懷異志羹堯令千總馬忠

孝招撫下北塔三十六莊回目忠孝又率兵千人往勸上北塔擒頭目阿布多吳圍厄爾克喀等斬之餘回就撫

移寨罕丹津於蘭州

年羹堯以察罕丹津在河州居住羅卜藏丹津欲行劫擄乃移察罕丹津妻于屬人於蘭州時羹堯分遣諸將攻申中歸德各堡潰

其黨羽羅卜藏丹津始懼願歸常壽請罪不許

番賊犯新城張義等堡涼州戒嚴

永昌在涼州之西有新城高古水泉等堡地理相望而新城尤為扼要其地在永昌縣西南七十里海夷

由北大通出扁都口侵犯涼州新城足以堵禦明於此築城派兵戍守蓋防邊要地也羅卜達丹津之叛糾諸海夷犯西甯至是復嗾使西番犯新城意在佔據涼州也永昌協劉

紹業坐視不救新城陷同日夷犯張義堡該堡在武威縣東南一百二十里向設防汛時涼州鎮王尙信率兵過其地黃渠百姓遮道求速援尙信赴堡夜遁還番乃猖獗民搗妻

子置涼州甘州道蔣酒下令戒嚴以兵力單採用武舉朱承愷議團練鄉勇規進剿不月團練成往赴裨子山明年大將軍年羹堯撤平青海破虜數萬人番被鄉勇數戰敗鎮守

曾文受徑入張義堡山西天池為策應番更腹背被兵多殺傷渠魁沙馬藍占叭送請軍書置諸法番衆帖服編隸於民自此始紹宗擬斬尙信亦擬流死於戍所

大將軍年羹堯條奏進剿青海事宜

一預備進剿兵丁請將陝西督標西安固原甯夏四川甘州大同榆林土默特鄂爾多斯巴爾

庫爾吐魯番等處兵丁共揀選一萬九千名令提督岳鍾琪等分領從西甯松潘甘州布隆吉爾四路進剿一防守邊口土司兵二千及西安滿兵五百名而留守西甯各邊口陝

西撫標兵五百名防守永昌西安滿兵五百名防守巴塘其裏塘止駐兵二百請將四川撫標兵三

百增添防守再令羅松潘鎮副將張英副都統黑色領兵一千五百名出松潘口在黃勝

關駐紮雲南提督郝玉麟領兵二千名駐紮又木多則羅卜藏丹津等處不敢前往巴爾喀木等處一購買馬駝臣在陝西買馬一千匹甚不敷用請令在歸化城張家口採買或將太僕寺上都打布孫順兒等生馬匹解送三千匹巴爾庫爾挑送駝二千匹再於甘涼

肅州等處採買一千五百則兵丁進勦之時可無貽誤一昨備軍教臣在肅安處實有
事已豫買米六萬石將來自不至有誤一精練火器請將景山製造之火礮每砲以一百
八十斤計算賞給一百駝
於明年正月內解送西甯

十二月蒙古貝勒貝子公臺吉各殺賊來歸降其脅從部落十餘萬
察罕丹
屬下

克札爾固齊阿爾塔爾和碩齊拉布木貝勒色布騰札爾察罕丹津之婿喇卜坦
賽桑巴圖魯爾根戴青拉查卜之子察罕喇卜坦旺舒克喇卜坦等率眾來歸降

賊犯布騰吉爾參將孫繼宗游擊孫節超與副將潘之善擊之賊大敗
賊使布
騰吉爾

孫繼宗孫節超率兵進勦遇賊三千餘副將潘之
善引兵繼之併力奮擊殺賊甚衆獲器械無算

提督岳鍾琪勦郭密番賊
時西甯一帶番賊俱勦滅惟南山口外郭密九部肆行殺掠
乃廣行招撫沙克都爾阿拉卜坦率三部來降其餘部落乃

悉肆而呈庫洛爾賈二部暴戾尤甚大將軍年羹堯以鍾琪所部瓦斯雜谷兵熟習山
令在歸德堡將上寺東策布下寺東策布之助思賊番勦撫彙施移師至郭密番搜捕賊

穴呈庫一部攻殺殆盡洛爾賈等
部首惡俱擒誅之盡降其餘衆

任莊廷偉為甘山巡道
時青海羅卜藏丹津跳梁其黨寇涼州逼永昌陷新城殺守將
時鎮兵出征者未返而留者又往救新城廷偉乃練民兵俾城

守紳士商民舉令登陴每門置土囊備塞門嚴稽出入凡草車探以矛女子覆面發而視之乃得入鄉堡各聯結聚礮石互守望有備無患人賴保全

案甘州府志云甘山迤道莊廷偉以衛輝知府陞任來甘寄弟西安知府祖詒書云邊隅風土與中州迥殊四月維夏樹頭始得見青梧桐一葉落滿林懍悻矣風嚴霜凜不待焉發已然大約秋涼冬冷之氣多余只概以春溫煦之姚端恪公詩常覺胸中生意滿須知世上苦人多吾身一小天地陽春有脚詎不在腔子裏耶此間沍寒天生一種氈毛羊皮大者毛最長二毛三毛以次第別男女大小一領披身便可卒歲產最繁價最儉吁死羊皮尚可煖於人生人之情奚可冷於世慎勿以人而不如羊也

甲辰 一二年春正月副將孫繼宗領兵在布隆吉爾等處同游擊潘之善大敗青海

逆賊

西甯東北之郭隆寺喇嘛反

先是章嘉呼圖克圖之胡必爾汗原住西甯東北之郭隆寺屬下喇嘛甚多素與青海蒙古親王羅卜藏丹津阿爾

布坦温布和好至是年正月郭隆寺衆喇嘛忽聚兵操演總督年羹堯聞而禁止寺內喇嘛傳令東山一帶番人約於是月十一日齊集拒戰羹堯見反形已露亟宜勦滅隨遣提督岳鍾琪會同前鋒統領蘇丹副都統覺羅伊禮布等統兵進勦尚未至郭隆寺而賊衆已於十二日駐營哈拉直溝迎敵我軍直前奮擊斬殺數千據其三嶺毀其十寨副將宋可進總兵官吳正安黃喜林等各有所獲遂沿途毀其七寨焚其房屋七十餘所次日抵郭隆寺外山谷間伏賊千餘人皆逃入洞內我兵施放槍礮復聚薪縱火賊俱薰死計前

後殺傷賊衆共六千餘名隨毀郭隆寺並查究章嘉呼圖克圖之胡必爾汗消
息衆喇嘛已預先往大通河西藏地方年歲幾即將達克瑪呼圖克圖正法

案章嘉呼圖克圖名喚旺曲丹爲第五世達賴喇嘛高足弟子康熙時來朝命住內蒙多
倫諾爾之覺宗寺第三世章嘉呼圖克圖名繞爲多爾吉生於西甯縣北鄉

寺爲住錫所博通宗乘世宗大慶異之命住多倫諾爾善因寺第三世丹
命訂四體大藏全咒助莊親王修同文韻統溝通華夷厥功甚偉賜灌頂普

師印餘見
清涼山志

案西甯大通縣城東七十里舊有郭莽寺西甯縣東北一百三十里又有格隆寺地處通
衢爲黃教徒所居西藏進口之喇嘛皆於茲托足即佛家所謂十方院也自

叛寺僧與相連接煽動部落遂使修行之區轉爲藏奸之藪雍正二年大
軍進討年歲幾除其衆而焚其寺活佛死者凡七人其墓皆在塔兒寺

墓毒氣曰怨毒之於人甚矣哉自雍正迄今二百餘年矣而塔兒寺每歲上元節寺僧就
禱皆帶鬼面具擒獲魔鬼而抽其腸飲其血焚其屍骸與漢人之燒秦檜相似所謂魔鬼

者即大將軍年羹堯也番僧以其
殺活佛也而恨入骨髓吁可畏哉

二月青海貝勒羅卜藏察罕之母率領妻子及貝勒策凌敦多卜之婦投至西

甯 羅卜藏察罕給茶葉大宴等項仍令往口外駐紮年羹堯以羅卜藏丹津欲威脅僧喇以益
兵力衆人尙在游移若不乘機派兵前往則來投之人勢難保全因令提督岳鍾琪

總兵官吳正安黃喜林侍衛達爾副將王嵩宋可進紀成斌等
領兵六千名分二路進勦前鋒統領蘇丹留於西甯軍營辦事

初八日岳鍾琪領兵出口

鍾琪聞巴爾珠爾阿拉布坦在烏蘭博爾克地方即分兵三路進勦及至其地賊人已逃遁遂令總兵官吳正安率兵由北路總兵官黃喜林副將宋可進率兵由中路岳鍾琪侍衛達爾率兵由南路往追賊人副將王嵩紀成斌等各率兵出山岳鍾琪追至伊克哈爾吉地方阿爾布坦溫布逃入哈爾吉山中官兵進山途獲阿爾布坦溫布黃喜林擒獲巴爾珠爾阿喇布坦並其叔伊克喇布坦即攜擒獲之阿喇布坦等三賊進勦羅卜藏丹津並收撫逃散部落初鍾琪由布爾哈屯直抵賊巢額爾納布隆吉地方分兵一千往北路柴旦木豫截賊衆逃往噶斯要路鍾琪率兵走南路尾追二十日探知賊衆逃往烏蘭穆和兒地方及至其地賊衆復逃往柴旦木地方又分兵一千追逐大軍隨後沿途進擊

十四日岳鍾琪領兵至席爾哈羅色地方

官軍偵知吹拉克諾木齊在天城樂汗哈達居住因即派兵前往擒獲男婦牲畜甚

多吹拉克諾木齊於十四日帶三百餘人乘夜遁往噶斯地方其屬下都喇爾寨桑及扎錫敦多布之母帶領屬下人口駝馬逃遁被臺吉益蘇克汪扎爾等擒獲投獻

石門寺喇嘛反

石門寺喇嘛渾囊蘇山丹等所屬羅布藏馬寶等部落從前伴稱順潛與謝爾蘇厄爾二部落逃散人等倚石門寺爲巢穴肆行劫掠年歲幾令涼

莊道蔣泗率領綠旗土司民兵分爲五路進發至石門寺奮勇擊殺喇嘛番賊六百餘人寺中得盔甲五十餘副刀鎗徽袋等物甚多因即將寺毀焚收兵而還

焚克賴納木扎爾等率伊子策凌敦多卜及屬下一千餘戶投年羹堯

年羹堯令

烏蘭和
邵等處

二月將軍岳鍾琪追勦羅卜藏丹津直抵賊巢獲其母以歸青海悉平

大將軍

勦羅卜藏丹津由布爾哈屯直抵賊巢額母諾布隆吉地方分兵赴北路樂且木
衆逃往噶斯要路自由南路尾追至烏蘭木和兒賊復逃樂且木途遇輕騎一千
軍繼進沿途追擊獲羅卜藏丹津之母及其妹夫克勒克濟農歲巴吉查等至樂且木
卜藏丹津率二百餘人逃匿分兵追至烏蘭白克又獲吹拉克諾木齊扎錫敦多卜並男
女駝馬無算助亂之八臺
吉等亦並就擒青海悉平

幕審祺曰羅卜藏丹津迫脅青海各蒙古與其同黨侵犯西甯南北西三川當是時大寺
喇嘛諸番部落亦有蠢動者年羹堯奉命西征不半年而奏凱旋旅其成功何如此其神
速哉蓋由萬衆一心不畏艱險其氣盛其令行也今日者國亂民窮人人以經營青海為
急務而內地軍界長官終未聞一踐其地得非畏難而氣阻耶使羹堯生於今日舉動迥
山海鞭笞役鬼神
尙何地之不開耶

侍衛達爾與副將紀成斌等搜尋羅卜藏丹津屬人

探得夾木煖塔布喇嘛在布袋
山後藏匿恐由西藏一路逃遁

遣人往調臺吉濟木巴等派蒙古兵在西藏邊境即率兵前進至梭羅木地方夾木燦地
布等拒戰敗遁我兵隨後勦殺濟木巴台吉等鈔路迎賊將夾木燦塔布垂扎木案二人

斬擒

夏四月年羹堯平河州口外鐵布等寨番夷

該番係西海所屬劫掠道路恣意妄行
羹堯派署河州副將岳起龍等帶兵進

勦取四十一寨勦服三十七寨殺傷番
賊二千一百餘名擒獲人口牲畜無算

案鐵布即疊州二字之轉音周建德六年始置疊州隋大業中州廢屬洮州唐治合川縣
東南至扶州三百四十里西至吐蕃界九十里其地風景融和產稻多果木與松茂相隣

領合川樂川疊川三縣又置安伏和同二縣
處党項等省疊樂二縣後陷吐蕃州縣俱廢

官兵搜勦餘匪

莊浪之謝爾蘇部落番人首倡為惡擅據卓子山碁子山又涼州南嶽寺
之沙馬拉木扎木巴等與蒙古通連曾搶掠新城張義等堡郭隆寺郭莽

寺逃出之喇嘛煽惑西甯之納朱公寺朝天堂加爾多寺番人與莊浪番賊串通並不歸
順年羹堯岳鍾琪及在西甯大臣等商議派兵分十一路於四月十五日由西甯進發納

朱公寺喇嘛番人俱經投順即於朝天堂添小章嘉胡土克圖居住至加爾多等番人派
副將紀成斌張玉總兵黃喜林等分兵四路直抵賊穴殺賊數百其餘死在溝河者甚多

寺亦焚燬游擊馬忠孝王大勛等殺賊於和石溝游擊王序吉范世雄敗賊於石門口涼
莊道蔣瀾燬賊於喜達堡而前鋒統領蘇丹率兵至旁伯拉夏口番人假稱來投察其情

形可疑令人偵探則賊衆伏匿放鎗遂率官兵直抵賊穴殺賊甚衆又涼莊道蔣瀆搜勦
碁子山破賊於巴洞溝土司魯華齡殺賊於天王溝前後搜勦殆盡其爲首謝爾蘇之番
賊阿旺策讓被先密寺喇嘛擒獲解送岳鍾琪又領兵至領羌探得賊人俱在木茂山即
派員率兵緝阻殺賊甚衆其賊人棄妻子逃去隨留總兵官宋可進涼莊道蔣瀆統兵五
千名暫住防守又守備馬光在寬溝地方殺賊二十餘人衆俱逃散先密寺番人順逆無
常且與碁子山賊穴相連恐後日復聚生事因令伊等喇嘛番衆俱移於加爾多寺之外
居住其先密寺即行焚毀是役也奮戰於
山險林密之處凡五十餘日盡行勦滅

案莊浪漢金枝郡枝陽縣地晉建興中前涼分置廣武郡又置永登縣屬焉後魏置廣武
縣爲郡治後周因之隋開皇初郡廢爲廣武縣大業初改爲允吾屬武威郡唐武德三年
復爲廣武屬蘭州後陷於吐蕃宋爲西夏所據元屬永昌路明洪武十年置莊浪衛後廢
爲莊浪守禦千戶所永樂元年復爲莊浪衛屬陝西行都司清康熙二年復降爲所雍正
三年改莊浪所爲平番縣
民國十七年改爲永登

又案莊浪東連甯夏西接西海南達金城北距古浪廣七百六十里長四百七十五里被
山帶河河西之肘腋也五邊考云莊浪衛東一百二十里有大小二松山東扼黃河南接
蘭靖北阻賀蘭延袤千餘里號爲沃壤隆萬間番酋寘免盤踞其中時肆侵掠內地創棄
僅存一線萬歷二十六年撫臣田榮克復其地建堡築城屯戍相望乃割廣塘等處屬固
原紅水河三眼井等處屬臨洮阿壩嶺大靖城土門兒等處屬甘肅自靖遠衛黃河索
橋起至土門山共長四百里而蘭靖莊浪千四百里之衝邊始安第壹塘三眼井等處土

疏易紀時費修葺若按初年舊址自鎮番
直接實夏中衛通樹長邊則外餘尤壯矣

案鎮羌堡即鎮羌驛在今永登縣西北一百二十里城周二里險要隘口二自堡東南
至火石溝圍莊墩界墩六座迤西北至烏梢墩界墩八座西境有中下上三層明時俱為

海夷內竄之處中路自三角城駝山寺乾柴窟至黨梁兒至該堡二百三十三里下路從駝山
寺至討來川大木麻兒八十里至該堡又一路

溝東北上小木麻兒八十里至該堡又一路
自西古城至大小泥溝西開門至該堡

岳鍾琪討石堡城番賊克之

石堡城南臨大通河北倚卓子山四面險峻惟羊腸一徑
可通其東沒毛山周四百里土番數萬乘青海有亂劫饑

賊官年歲幾廢勦之東閃西匿旋撫旋叛至是岳鍾琪以兵二萬討之賊狂故智盡徒老
弱備置於東山曹慶勦備出沒鍾琪分兵二路以其半據西山之懸壁期進搆以萬人

東山嶺新大牛曹兵據守急勦兵回攻西山賊萃石堡城乃夜遣
死士令降番鄉導援驍騎壁潛出其背擒斬賊五千餘賊盡乞降

五月甲辰詔加陝甘武舉中額

上諭兵部曰陝西地屬雍涼人材壯健強勇者多騎射
嫻熟勝於他省每科鄉試取中不過三十名而入學額

數亦與他省不相上下額少人多不無取即目雍正四年鄉試為始西安甘肅武舉各加
中十名其武童入學額數若通省俱加恐有冒濫照文童改學例令各撫會同學臣查明

技勇最優之州縣酌
量數目奏請加額

六月岳鍾琪進勦碁子山卓子山番賊平之

碁子卓子等山林木叢茂為謝爾蘇屬下番賊潛匿之所鍾琪帥兵進勦殺傷

賊目班第馬牙餘皆敗奔山內隨派署總兵宋可進嚴曉追擊番目嘎住帶領男婦老少一千一百六十二口來投誠許之年義堯查看卓子等山形勢惟他拉渡川東通莊浪西

通刀林匪類往來必由之路奏設游擊一員及千把等職從之

案連城魯土司家請康熙五十八年西藏達哇占巴叛岳鍾琪帥兵進征知土司魯華齡可用檄為先導兼護糧餉三巴橋者進藏第一險也番酋守之勢不得過華齡部下土

軍皆能番語飛馳至落籠宗擒殺數人賊遁去大兵以次而進八月西藏平以功賞參將銜六十年郭密番賊為羅卜藏丹津煽誘肆行劫掠華齡率步卒數百人駐防日月山兼

護糧餉賊不得逞雍正元年羅卜藏丹津寇西甯莊浪東西兩山番族窩爾素沙馬藍占巴等一時並起大將年羹堯檄岳鍾琪征青海而莊浪逆番命華齡勦撫之華齡設伏中

途擒賊首哈米善等六人乘勢進攻碁子山軍聲大振賊敗遁入駐那溝鐵包城圍攻五晝夜不下華齡暗命健卒數十人編木筏渡大通河腦繞賊後而躬督大隊迎戰賊方整

城中礮聲響塵炤漲天前後夾攻賊大敗擒殺無算勦捕阿落等番族東山平其西山賊番聞風奪氣遂移兵征之破石門寺直搗其巢擒首逆餘黨悉逃二年華齡知番黨乘春

擄掠提兵駐大營灣農人恃以無虞四月岳鍾琪以平青海兵搜捕兩山餘孽華齡發部卒一千人遣千總某領五百人由新站入自率五百人由神樓溝入斬賊五千餘名生擒

百餘名奪獲牛馬器械無算乃改莊浪衛為平番縣而奏窩爾素番八族世給魯氏為民先是羅卜藏丹津衣番婦衣逃入噶爾順七月華齡率二百人從岳鍾琪追至花灣子望

見紅柳蔽天沙灘如
水不能前進乃班師

秋八月歸德魯等處番人內附

歸德堡即今之貴德縣也向歸
青海蒙古管轄至是請求內附

案貴德舊吐蕃地元至元開置貴德州築城後廢明洪武七年河州左衛指揮築土城設
千戶所清初改隸臨洮府乾隆二十六年改隸德縣城周三里八分高三丈五尺
基寬二丈八尺頂寬一丈二尺南北二門城樓一週銷
三十二號深一丈五尺闊三丈二尺有東西南三關
：幕審棋曰歸德通松潘茂州頭頭是道處處皆番今既就我範圍步勤平拉爾上下二寨
回經甘肅從此太平矣大將軍年羹堯又乘川軍回汛之便並將歸德至松潘口外一帶
番部或剿或撫悉無梗化蜀隴
交通從此恢復行旅稱便焉

九月額爾阿賈駐防青海

時青海既平厄魯特郡王阿寶請於青海等處賜制旗之地
居住管理青海人等不致復萌亂心上令於貝子丹忠所居

之地雖牧並令年羹堯派
員膏勸助其移徙安插

冬十月兩都統達爾追羅卜藏丹津至花海子獲丹津潭臺吉

達爾阿爾什與總
兵黃喜林上書

喇嘛等統領大將追羅卜藏丹津至花海子
獲丹津潭臺吉及其妻子並招撫三十三家臺吉

人等入口販賣報可又於乾隆七年奉文飭查經西甯道會事楊應璠行據府屬縣稱民
間所食青鹽出於青海地方距甯五百餘里內地人民不能前往惟蒙古駝載至縣屬之
丹噶爾地方與漢番人民易換布疋燭燧等物轉運府城分賣與小販轉發各處貨其
價因蒙古去來之多寡為漲落賤時每鹽一升易青稞一升貴即須升半二升小販轉賣
亦因以為加減甯地番回雜處日食熬茶非鹽不可偶值蒙古少出即苦淡食實非鞏
高臺各處產有土鹽鹽池本地人民熬煎運賣價有一定者可比故向來並無額設引課
及行運商人今若議請設商行運而青海處在口外原為蒙古所有若坐稅於食鹽之人
民又係轉購購買若於漢番蒙古易換之際徵收而口外各處番戎凡駝皮張礮砂等物
至丹噶爾地方交易向俱無稅今獨於食鹽徵稅則鹽價益貴於民未便他如大通衛貴
德所地皆近邊其價與甯邑大略相等礮邑則離口已遠價有加增然總在甯郡界內以
體重而脚價昂貴不能儘量外行似應仍請照舊聽其
易換買食免其徵稅於內外實多裨益等語覆請具題
案青海鹽池距西甯五百餘里向由蒙番運鹽至丹噶爾轉易換青稞光緒三十四年始
設鹽局於丹噶爾統捐章程分二項行銷西甯各屬者為本銷行銷蘭州府屬之狄河及
甘肅一帶為外銷每百斤收稅銀二錢
今劃歸青海省餘見一卷元狩六年注
慕審祺曰自洋鹽行銷內地富貴之家視為珍品彼不過潔白精細表面可觀究其衛生
之益則不逮青鹽遠甚他日鐵軌流通青海所產之鹽質堅味厚行銷東南各省絕不至
化而為水倘能照西法炮製在中國鹽法
志佔一優勝地位不但西甯可為引地也

有明一代蒙古
既日及羅卜
虛日及羅卜
丹津叛時之
士恐陷勝朝
士乃天戈所
權解無功其
力會不足自
款通條首就
暗保條於吾
龍旗之下矣

升西甯衛為西甯府

設知府一缺所屬有儒學教授訓導及府經歷各一員舊設西甯同知監牧通判茶馬司裁其治西甯兵備道順治元年已設駐

城中因明舊制也

以達爾為辦理青海蒙古番子事務大臣

雍正元年以前俱選派理藩院司員自二

總理之理藩院派員外郎馬爾漢達色先後來西甯為隨同辦理青海蒙番事務司官八年又以甘肅布政司請種國駐西甯辦理喇斯軍需

命理藩院侍郎鄂齊公同青海辦事大臣達爾編青海蒙古為二十九旗

初年

之平青海也奏言厄魯特部落之在青海者宜照喀爾之例分其旗分編為佐領各管各屬定有分界上從之至是鄂齊公同達爾出西甯口外借糧資窮乏為名查明青海蒙古共二十九家即分為二十九旗其扎薩克王貝勒子公臺吉俱係世襲領印信册給扎薩克憲書綵緞由京解西甯支散俸銀在西甯支領各扎薩克分為四班每年元日朝覲每旗設協理臺吉一員引見後補授管旗章京副章京參領各一員管戶口之多寡以百五十戶為一佐領共佐領一百一十四箇半每佐領一箇設有壯丁一百五十名不計戶口共壯丁一萬五千六百七十五名又設驍騎校一員

案青海蒙古二十九旗自雍正三年編制其扎薩克王公臺吉或遠或近皆在青海之四面聯絡住牧如公巴且令如臺吉達克如扎薩克喇嘛吹達克此三旗者俱住於青海之

正東如蒙王汪楚克如公賈務如達什勒木扎爾如蓋吉古克古扎布如汪楚克爾里布
坦如達爾吉如色特爾布木此七族者俱任牧青海之東南如都王雙合阿拉布坦如額
爾得厄厄爾達托克如托爾如且勒達什且令如達吉小策令如達什教多布如沙拉如
額爾德尼吉池片仲此七族者俱任牧青海之正南如公丹靈一旗任牧青海之西南如
且子策爾木達什如公策令納木扎爾如喇吉哈爾爾斯如策令多爾吉如巴爾吉如
布此六族者俱任牧青海之正西如都王沒楚克達什如蒙吉達麻林色下騰此二族者
俱任牧青海之西北如貝子丹巴如公羅下策瑪漢如漢楚克扎布此三族者俱任牧青
海之正北以上二十九族其薩克王貝勒貝子公台吉俱係世職加授印信册結其總理
塞吉一職引兒補授每佐領增設駝騎校一員其青海蒙古原管轄
之番人另行安插去其羽翼使權不統一此清初之翦蒙政策也
又案青海正朔遺時憲書行歲以建寅為首亦有閏月但其閏月不同時耳如壬子年閏
五月其地閏正月乙卯年閏四月其地甲寅年閏七月更有閏日之異月無小歲如閏初
一則無初二即至初三日矣或於月內摘去二三日如二十六日次日即二十八日推日
月之餘亦毫髮不爽惟紀年不用干支但書馬年虎年猴兒年之類蓋其地近西藏習慣
成自然矣

塞爾禮曰蒙古部落必設盟長以統屬之而青海獨無比之伊克昭盟無乃向隅乎又恐
其彼此圖報或有造亂機會也規定每年秋季青海大臣出口至海神廟召集各扎薩克
王貝勒貝子公薩吉及千百戶會盟一次名之曰祭海青海大臣監視不敢妄
議政治典禮可謂嚴矣然元朝後裔得保其種族以迄於今豈非大幸也哉

刊平定青海碑文於各省學宮

四川陝總督撫遠大將軍年

附錄清世宗憲皇帝御製平定青海告成太學碑其文曰我國家受天眷命建國八極日月所照罔不臣順遐邇乂安兆人家福乃有羅卜藏丹津者其先世固始汗自初禱首歸命當時使臣建議界以駐牧之地其居雜番羌密近甘涼我皇考聖祖仁皇帝深遠每履於懷既親御六師平定朔漠威靈所加青海部落凡什巴圖爾等震懼承命而歸仁皇帝因沛殊恩封為親王兄弟八人咸賜爵祿廉包容示以寬大而狠心惡骨不可以德義化三十年來包藏異志朕紹登寶位優之錫賚榮其封號尙冀革心轉習而羅卜藏丹津昏謬任恃同黨吹拉克諾木齊阿爾部坦温布藏巴扎部實為元惡謂國家方浩浩蕩之恩不設嚴密之備膽敢首造逆謀迫脅番羌侵犯邊城反狀彰露用不可於天誅遂命川陝總督太保公年羹堯為撫遠大將軍聲罪致討以雍正元年十月師始出塞自冬涉春屢破其衆凡同叛之部落戈鋌所指應時摧敗招降數十萬衆又降其貝勒貝子公台吉等二十餘人朕又憫其蠢愚若悔禍思愈束手來歸尙可全宥而恬惡不悛負險抗違乃決翦滅之計以方略密付大將軍年羹堯調度軍謀簡穡將士用四川提督岳鍾琪為奮威將軍於仲春初旬驪牙徂征分道深入擄其窟穴雷掃風馳搜剔賊阻賊徒蒼黃靡潰窮蹙失據羅卜藏丹津之母及諸渠魁悉就俘執擒獲賊衆累萬性者軍械不可數計賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五軍士無久役之勞內地無轉輸之費克奏膚功永清西徼三月之朔奏凱旋旅饒鼓喧轟士衆訴嘉四月十有二日以偽逆之吹拉克諾木齊等三人獻俘廟社受俘之日臣民稱慶伏念聖祖仁皇帝威靈震於

運方福慶流於奕葉用克張皇六師殄滅狂賊行間將士亦由感激涕思厚祿賜款賜賜
用命斯役也受夷凶悖綏靖番羌俾烽燧永息中外人民得享安寧實成先志以垂有丕
續廷臣上言稽古典禮出征而受成於學所以定兵謀也獻誠而
釋奠於學所以告凱捷也宜刊諸珉石揭於太學用昭宗於無極
又案年羹堯平定青海後因有人彈劾連降十八級職主杭州把總門杭州將軍又與年
羹堯有大逆之罪五欺罔之罪九僭越之罪十六狂妄之罪十三專擅之罪六貪婪之罪
十八忌刻之罪六侵蝕之罪十五殘忍之罪四共計九十二大罪奉旨年羹堯罪大惡極
本應處置死結念平青海有功着交步軍統領阿齊圖監視自裁家產盡數查抄入官
又有汪景祺浙江人通年羹堯平青海著有西征隨筆一書內有稱頌
大將軍語被地方官查出大吏奏聞汪景祺棄市妻子充發黑龍江
墓書祇曰軍法森嚴令出維行殺提鎮如小卒此年羹堯之所以平定青海也然西牛壁
但知大將軍令不聞天子詔威福自專豈堯有取死之道矣况世宗天性猜忌兔死狗烹
勢所必然雖堯不知歸跡
殊味於明哲保身之義

丙午年命斷科參等查看甯夏舊渠渠道
隆科多等奏看甯夏舊渠渠道
甯夏舊渠渠道
甯夏舊渠渠道

其七甯夏舊渠舊渠皆發生地氣倘暖易於引水如西河六羊河等渠古舊渠水漸淤漸白
倘流漸黃濁海漸家河皆係引水分水之路遺棄無久雖形迹俱存沙泥淤塞若茲遊離
壩及放水之兩兩岸可以耕種萬頃計甯夏舊渠東北五十里長黃河地
方南北延袤百餘里東西廣四十五里或二三寸不等東界黃河西至西河其地

可以開墾自朔爾多斯遷移之後十餘年來小民亦有私墾者必得開渠通水築堤建閘以時啓閉以資灌溉則曠土盡成膏壤今相度地勢自豐順墩起至六羊河止長一百十餘里舊漢唐諸渠法開渠一道建正閘一座撐水閘稍開各一座迎水閘一座河口與舊河相近之處亦建正閘撐水閘稍開各一座再自上河墩起至六陽河止長黃河五里許築堤一道約長一百餘里可以永禦黃河統計墾田六十餘萬畝插舊渠為漢唐靈州之地當時廣置屯田元至元間置屯田萬戶所明時套裏波河而西後內地積蘆河以東居民不得耕種遂至廢棄至是鄂爾多斯徙歸套內以河為界查漢托護之地久屬版圖今甯夏衛志漢唐二渠之支流有百頃良田滿達喇等渠向在插漢托護左右若仿其遺跡開渠建閘誠裕國利民之善政遣大理司卿通智帶地方畫圖同岳鍾琪前至查漢托護等處照圖驗看擬議具奏

夏四月設寶華局於蘭州

甘肅巡撫石文焯摺奏暫開鼓鑄以清錢法於五年四月內設寶華局於蘭州按察司經鑄河橋同知監鑄動用藩庫銀

二萬兩收買各屬暨西甯戶釐工字小錢並古舊廢錢銅斤入局鼓鑄開爐一十二座七年三月內奉文停止

慕壽祺曰古者日中為市以其所有易其所無所用者貝殼而已因殼易破黃帝始用銅幣殆泉刀之類耳周興景王鑄大錢後世交通漸繁改小制錢外廓圓內孔方歷朝所尚也漢武因內幣空虛始用皮幣新莽學古人制度改鑄泉刀皆偶一為之耳我國向用銅幣習慣自然漢魏以前無論矣劉宋孝武帝所鑄曰孝建廢帝所鑄曰景和北周武帝所鑄曰布泉唐高祖武德四年鑄開元通寶錢歐陽詢所書嘉有爪甲痕云是文德皇后所鑄唐之開元錢與漢之五銖非稱史策其流行最廣肅宗乾元元年鑄乾元重寶錢以一

當十武宗會昌五年置二十二監鑄開元錢各加本郡州號名為背文今日所見者止有
洛陽與字三種宋初錢曰宋元通寶太平興國後又鑄太平通寶淳化九平太宗親書草
字淳化元寶錢自後每改元必更鑄以年號元寶為文太宗曰至道真宗曰咸平景德祥
符天禧乾興仁宗曰天聖明道康定慶曆皇佑至和嘉祐惟寶元以寶字文重易以皇宋
通寶英宗曰治平神宗曰熙寧元豐哲宗曰元祐紹興元符徽宗初年曰聖宋後曰崇寧
大觀政和重和宣和高宗曰紹興孝宗曰隆興乾道背有十六字淳熙光宗曰紹熙寧宗
曰慶元背有二字嘉泰開禧嘉定理宗曰寶慶紹定端平嘉熙開禧景定惟寶祐年則易
以大宋度宗曰咸淳至靖康建炎德祐則歷年不久故未及鑄元正有順帝正錢明太祖
曰大中曰大明洪武成祖曰永樂仁宗曰洪熙宣宗曰宣德世宗曰天啓魏宗曰崇禎清
初順康兩朝錢幣超越前代乾隆以後錢銀鑄及盜鑄巧偽不如法者有司身之能禁
光緒末葉改鑄銅元以一當十形圓而無孔濟世之宜謂為深允廿餘錢始於西夏清
康熙六年惟崇昌府開鑄錢未久即停夫錢之為用貫經相屬新舊通行甘肅所用俱
自外來民國十年後省城始鑄銅元不遠應用旋正自開
民軍來設造幣廠所鑄銅元說者謂與他省不相上下

五月命侍郎何知單時書修甯夏惠惠渠

上諭念甯夏邊陲查漢托護地方漢唐二
渠餘波所不及遂為荒野特命侍郎通智

單時書甯夏土宜形勢以黃河自銅甯微而南下分流至此是漢數萬頃之田於陶家灣
南麓築甯夏進水口開大渠三百里建進水正閘一曰惠農開建退水閘三曰永德曰恆
通曰萬全於永宏永固暗閘二以通上下交流設葉歸暗閘一以接漢渠輸承正口加甯
石圍頭開鑿進石橋建尾閘以蓄洩之果石節以鞏固之大渠口以東俱引灌大渠水其

西界不能歸晴河之小退水特留壩洞放之大渠絕無漲漫之虞任春葉升二堡為往來
龜鑿於正剛覆造橋房沿渠之橋二十有二四河之橋十六行旅往來賴以普濟其核渠
四達長七八里以至三四十里者百餘道均作陡口飛槽二萬餘頃與國無不充足於渠
之東築長堤三百二十餘里以障黃河泛溢於渠之西疏通西河舊淤三百五十餘里以
濟漢唐兩渠諸湖減水各開渠堤兩岸夾植垂楊盤根可固岸取材可供備修至於東
北隅一帶地廣土沃改六羊河為渠百餘里以佐大渠所不及建縣城二一在田州塔南

為新渠一在省東城內為豐豐縣設官吏建
渠移市曰於石背以便漢夷貿易

渠新渠縣城舊灘地其北有田州塔雍正四年建縣城周四里一分高二丈六尺池深六
尺闊七尺開南北二門南曰錫福北曰納秀鼓樓一座東曰就日西曰瞻雲南曰呈祥北

曰覽勝寶豐縣城亦係舊灘地與新渠縣城同時建城周四里三分高二丈六尺池深三
丈闊七尺門三南曰廣福北曰寶豐鼓樓一座東曰捧日西曰覆霞南曰觀瀾北曰龍翠

附錄渠壩費惠縣渠上坡長歇其辭曰黃河之水來星宿江水漢廣共漲湧達乎秦晉豫
資之境奔放直抵夫淮與揚夏伏而秋汎處處固堤防安其就下性獨利在銀疆昔人相

勢而利導南渠並漢漢與唐用以資灌溉歲歲誌慶祥水澤不到處沃土膏壤樂為牧畜
場我朝開闢廣容虛更爾詳欽承天子命經營此一方率彼羣工力竭力共助勳洪流勢

一渠通流為明苑爰採石以為剛更架木以為梁往來通乎行旅分其蓄洩則有良方棟
宇凌霄漢明觀更堂皇渠堤三百里沿河植垂楊綠樹陰濃渠水溢汪洋也利樵之

地今也樂利之鄉兩城建百雉章設邑宰遠賢良招徠幾萬戶恩膏發國帑漢汗來北
天龍更地地紳士首倡率子孫世業常爾彼南故德豐香著西城東作千蒼萬箱士女樂

乃積之殷早軍國溢裁取於紅倉茲惟聖天子在上
還不遷而遠不忘創此城郭田墅貽萬年有道之長

附錄朱軾書王司馬渠圖碑後其辭云奔騰浩瀚出毫端唐漢新渠次第安三閘平分均

水力長堤突兀挽任瀾城依東壁知靈武雲鎖西山識賀蘭自是韓陵石一片行人莫作

畫圖看又蔡元升題大清渠其一云為憐齊壤棄邊荒七日功成百里塘引入河流沙磧

裏鑿崩硤口賀蘭旁支分九堡通溝滄熒峙三渠並漢唐作吏盡如君任事不難到處樂

豐儉其二云兩渠中劃大清渠卷築無勞民力舒心畫萬家溝滄志胸裁一卷水

經青嵐光樹色晴川外影鵬波夕照餘輝似江南好風景豈惟灌漑備村墟

秋九月建寶豐縣於甯夏

其地在省城城西近名查漢托護府北河側之麓也土地膏
軟舊未開墾時為甯夏人民樵牧之所康熙三十六年套夷

渡河漸徙而南去舊鎮城備牛舍四十八年鎮臣始令

徙出主是始建為縣後裁併平羅縣名曰寶豐縣丞

按寶豐故城在平羅縣東北二十五里漢北地郡懷都尉地隋志靈武縣後周置建安縣

開皇十八年改為廣閭仁壽元年又改為寶豐唐初徙廢省鬼城在平羅縣東北省崑山

下西夏築西南去甯夏府一百四十里渾懷障在平

羅黃河以東漢志富平縣渾懷都尉治塞外渾懷障

冬十一月遣官致祭河源之神於河州口外

以黃河澄清及江南澆地利民故建詞
西甯明年二月以黃河澄清御制祭文

遣官致祭

黃河之神

是年遷關內人民於敦煌

敦煌戶口在漢唐稱極盛遠於明季被西虜蹂躪其地遂同
晉魏前清雍正二年始於敦煌設沙州所四年川陝總督岳

鍾琪巡邊至沙州相度地利請改所為沙州衛而人煙盡稀不成村落乃招甘肅等
縣無業窮民二千四百戶開墾屯種沿途給口糧皮衣盤費及到敦煌借與牛具

價又念關上窮民初到關外尙未耕種由公家借支七月口糧雍正七年十一月陝西
督查郎阿奏稱招往安西沙州等處地方屯墾民戶先後到者統計共有四百零五戶屯

種既廣樹藝益繁所種小麥青稞粟穀糜子等項下種一斗者收至一石三四斗不等
久荒之田蓄氣既厚一經播種則滿溝滿車意中事耳自雍正至今又二百餘年矣敦煌

戶口日漸繁多難不及漢唐之盛而關外縣治當首屈一指至各村名稱視他縣亦迥乎
不同譬如遷自皋蘭者其村則稱為皋蘭縣遷自臨洮者其村則稱為臨洮府以此類推

初無少異殆不忘本之意也道光時安肅道某以敦煌一縣
令耳不宜坐擁五十餘縣飭令改縣為坊而民間仍因其舊

案漢以後敦煌為關外富庶區文物敎會幾何時周餘黎民靡有子遺矣國嘗考求其故
明白成化中吐魯番酋敢肆悖逆仇視哈密忠順以西遷侵逼瓜沙逐蒼野而遠遷舉

兩漢六朝張奐蓋勳索靖諸先達所提倡而遺之後人者至是而漸滅無遺文物付於
灰燼籬鞠為茂草而玉關以內南山皆番虜環居西海為羌戎窟窟瓦剌時時平

賊出沒於河湟內外夾攻久之而敦煌無土著矣又
久之而逃亡者死於四方矣不得不遷民以實之

又案歷代人民之遷徙或以天災或以兵禍或以政治之壓迫皆可與其他史事相印
如康熙蓋城縣志云縣歷代兵燹之後人物凋耗土地荒曠戶口存者僅三之一明永樂

十四年徙山西諸戶以實蕪城歷宣德正統生息漸繁雍正洪洞縣志云漢民自明隆萬間生齒浩繁崇禎末遭兵燹之變民多背井離鄉而村落虛空教煌經前明土蕃之蹂躪人民無一存者較蕪城洪洞其被禍為尤慘至此始徙關內三千餘人以實教煌是史事之極重要者

附錄汪隆敦煌城工告成詩四首

雍正二年命汪隆修教煌縣城

其一云化被流沙萬里清燉煌境關建岩城使臣祇肅銜恩命邊士卒勦集廉埃基厚山川開蕪蒿地靈草木備經營帑金優給備糧足力役歡趨喜氣盈其二云蕪垣堅楚勢崇造作紛紜督百工事倚羣曹分效職期逾一載告成功雲樹翠列層樓外城郭烟環四望中環宇新開增氣象邊民輻輳往來通其三云牙旗幕府建高標雉堞光騰絕域遙屋宇環連排繡樓臺榭出通丹霄春融沙境千禽集霄沃郊原白鵝繞弓矢戰雲連暇日清風遍野塞塵消其四云鳴沙興作萃元元五堡新營接鎮垣鞏固藩屏依險設關防土馬比雲屯月明野水通蒲海風接巖疆控玉門盛世安機宏締造金湯千載紀皇恩

蕪審祺曰自漢武置教煌郡由晉而唐人材輩出何其盛哉夫盛極則敗勢所必然唐中葉以後陷吐番典章文物同歸於盡而世家大族猶有存者明為土魯番所侵逼政府不得已放棄教煌遷其民於肅州城郭田廬化為荒煙蔓草清初始遷關內之民以行實邊之策然後知其上著之百無一二也予讀英倫博物院所藏唐沙州戶籍不焚為之三歎焉

青海都統達清查撒拉戶口地段

撒拉自元時入居河州所屬之循化其人頑梗不馴素稱難治雍正二年始招降以土官韓大用等約束

之至是達清查土地主河州調韓大用韓炳奎行營飭令查明撒拉戶口地段及下籽數目每年應納糧七十四石五斗二升水地每下籽一石納糧一斗五升旱地下籽一石納糧一斗

丁未五年更正西甯所屬各寺院喇嘛名稱

達爾會同周開捷條議以沿邊各番族喇嘛有名國師禪師者名目不合宜收前明

各敕印換給僧綱都綱職銜議給衣單口糧其原管番族歸州縣管理原徵香糧歸作正賦初羅卜藏丹津謀叛勾通番族密聯番寺大寺喇嘛亦多響應至是將各番族歸本管

各州縣按地輸糧不受番寺約束而又利其有將所輸之糧每歲按寺給發以為口糧衣單之資其印誥繳於禮部

案明初西甯番僧三刺為書招降罕東諸部建佛刹於碾伯南以居其衆赴朝貢馬請敕護持賜寺額太祖從所請賜額曰瞿曇立西甯僧綱司以刺為都綱司紀以符契自是其

徒爭建寺帝輒錫以嘉名且賜敕護持由是利迫勢驅盡為番僧所據永樂時漸授喇嘛禪師灌頂國師之號有加至大國師西天佛子者悉給以印誥許之世襲

嘉慶祺曰康熙四十一年命喇嘛商南多爾智招撫青海蒙古即以商南多爾智駐西甯撫理夷情西甯所屬從此大修廟寺漸臻至數千餘所西海境諸民衣赭衣者數萬戶西

甯土司指揮同知李洽奏請罷西海等處廟寺與邊外諸蒙古納進部議令總督提督察辦旋經將軍耶該會同提督孫恩克詳查請禁西甯寺廟諸番給蒙古納進喇嘛等亦不

得任意出邊而禪師國師之名
稱依然在也今始收其印誥

夏四月奉諭保護青海蒙藏所崇拜之刺麻教

是月八日上諭內閣九卿等曰今日
為佛誕之期恰遇西洋國使臣上表

稱賀兩事適然相值故於在廷諸臣奏事之暇偶將朕意宣諭爾等知之向來僧道家極
口誣毀西洋教而西洋人又極誣佛老之非彼此互相訕謗指為異端此等識見皆以同
乎己者為正道而以異乎己者為異端非聖人之所謂異端也孔子曰攻乎異端斯害也
已孔子豈以異乎己者概斥之為異端乎凡中國外國所設之教用之不以其正而為世
道人心之害者皆異端也如西洋人崇尚天主夫天以陰陽五行化生萬物故曰萬物本
乎天此即主宰也自古以來有不知敬天之人乎有不敬天之教乎如西洋教之教天有
何異乎若云天轉世化人身以救度世人似此荒誕之詞乃借天之名盡惑狂愚率從其
教耳此則西譯之異端也朕意西洋立教之初其人為本國所敬信或者尊之如天豈謂
立教之人居然自稱為天主此理之所無者釋氏原以清淨無為為本以明心見性為功
所以自修自全之道莫善於此若云必昧君臣之義忘父子之親棄置倫常同歸寂滅更
有妄談禍福煽惑凡庸藉口空門潛藏奸究此佛教中之異端也儒者守先王之道讀聖
賢之書凡廣庶民奉為坊表備或以詩書為七取功名之具視科目為廣通聲氣之途又
或逞其流言邪說以動人之聽聞上為曲淫詞以竊人之心志此則儒中之異端也即
如巫醫二者雖聖人之所不棄然亦近於異端而巫以祀神祇醫以療疾病皆不得不用
者至村巫誘人為非庸醫傷人之命此即巫醫中之異端也安可因其異端有害於人而
不用藥乎不獨此也銀一器一物皆以備用乃位置不得其宜或破損失其本體便成異

論矣。夫疾病子路謂子曰。其之壽久矣。蓋子路之壽。亦猶也。夫子之壽。正也。也。同一事。而其中之是非。邪。分。是。非。正。者。即。為。正。道。非。者。即。為。異。端。所。論。只。在。是。非。邪。正。之。間。而。不。在。人。已。異。同。之。遠。也。凡。天。下。中。外。設。教。之。道。未。有。不。以。忠。君。孝。親。為。本。者。或。淫。戒。明。已。性。端。人。品。為。本。務。者。其。初。創。設。之。人。自。然。非。尋。常。凡。夫。俗。子。必。有。可。效。方。能。令。人。久。久。奉。行。也。至。末。學。後。人。數。衍。支。離。而。生。種。種。無。理。悖。理。之。說。遂。成。異。端。矣。其。教。有。何。涉。乎。中。國。有。中。國。之。教。西。洋。有。西。洋。之。教。彼。西。洋。之。教。不。必。行。於。中。國。亦。如。中。國。之。教。世。能。行。於。西。洋。如。蘇。努。之。子。烏。爾。蘭。等。愚。昧。不。法。之。輩。竟。敢。違。朝。廷。甘。結。刑。罰。而。不。恤。豈。不。怪。乎。西。洋。天。主。化。生。之。說。尤。為。誕。幻。天。主。既。明。命。於。其。冥。之。中。又。何。必。託。體。於。人。世。若。云。奉。天。主。之。教。者。即。為。天。主。後。身。則。屬。堯。之。言。者。皆。堯。之。後。身。乎。此。則。悖。理。謬。妄。之。甚。者。也。西。洋。人。精。於。歷。法。國。家。用。之。且。其。國。王。慕。義。抒。誠。虔。修。職。貢。數。十。年。來。海。洋。甯。謐。其。善。亦。不。可。混。蒙。古。之。人。尊。信。佛。教。惟。其。是。從。故。欲。約。束。蒙。古。則。喇。嘛。之。教。亦。不。輕。棄。而。不。知。者。輒。妄。生。疑。議。乃。淺。近。狹。小。之。見。也。總。之。天。下。之。人。存。心。不。公。見。理。不。明。無。以。同。乎。已。者。為。是。以。異。乎。已。者。為。非。遂。致。互。相。讎。誹。幾。同。讎。敵。不。知。人。之。品。類。不。齊。習。尚。亦。不。一。不。能。強。之。使。異。乎。已。者。為。非。遂。致。互。相。讎。誹。幾。同。讎。敵。不。知。人。之。品。類。不。齊。短。短。其。短。而。不。昧。其。所。長。則。彼。此。可。以。相。安。人。人。得。遂。其。用。方。得。聖。帝。賢。王。明。通。公。溥。之。道。而。成。太。和。之。宇。宙。矣。時。大。兵。初。定。青。海。各。寺。院。喇。嘛。亦。務。延。輕。棄。其。教。及。奉。上。諭。總。督。合。體。黃。額。貼。青。海。各。大。寺。以。示。保。護。之。至。意。

五月青海大臣達爾會同西甯總兵官周開捷安插內地各番族

初崇禎十六年冬李自成部將

辛恩忠攻破西甯遂進掠青海諸酋多降附而明室亦亡世祖定鼎燕京有厄魯特固始汗者自西藏來青海沿邊皆為其所有其餘喀爾喀圖爾古特準噶爾灰特俱係流居青海共蒙古五種後支派漸分總名十八家其白塔貴德郭密拉科及玉樹納克書遠近各番俱係青海分轄歲納派巴居雜諸羌及年羹堯平青海條奏青海蒙古原屬番人管轄另行安插使權不歸一去其羽翼至是達蘇同周開捷安插西甯

河州洮州各番族每族委一百戶歸地方文武管轄田畝墾科
案白塔城即白塔營舊青海地北去西甯府一百二十里雍正三年以地鄰西甯北川設參將一員又舊大通城地通西甯甘涼同時設總兵官一員統轄白塔永安兩營後改副總兵乾隆九年移駐白塔城二十六年改設縣治即今大通縣治所貴德城在黃河以南去西甯府二百二十里舊吐蕃地清初設守禦所千總一員隸臨洮府管轄相距千有餘里貴德營都司向隸河州鎮乾隆二十六年改設西甯縣縣丞上郭密番族在西甯縣西南二百二十里與竹革族連下郭密在西甯縣西南一百一十里與連哇族連案外玉樹納克書等處番人三十八族共八千三百四戶雍正十年達蘇同周開捷安插玉樹納克書南城巴喀等處番子規定貢馬之制再不歸苦若諾兒管轄

是歲荷教士穆致遠就西甯賜死

初順治時德國人湯若望意大利人南懷仁同入欽天監又以天算火器測量諸術受知於康熙帝

然除南懷仁等外嚴禁直隸各省復立教堂三十一年禮部請弛禁雍正二年仍禁外人傳教各省教堂一律焚毀教徒悉還澳門是年訂恰克圖條約雖准俄人蓋廟念經究以使館為限宗室蘇爾金烏爾陳以信天主教被誅穆致遠時在西甯傳教亦以蘇爾金關係賜令自盡穆堅執天主教律禁人自戕乃絞殺之焚其屍

案甘肅傳教助自元代元亡明太祖嚴禁外人在中國傳教洪武二年

西曆一三

六九 北京教會遂絕

元史

時歐洲教爭方烈舊教徒爲新教徒所挫欲推行

於東洋基修伊特派之教徒相繼東渡至嘉靖三十一年基督教會東洋布
教總長賽威爾航中國道卒神宗萬歷八年意大利人利瑪竇至廣東肇慶
府日著僧衣學華語傳教又二十年與龐迪我偕入北京因中官馬堂進方
物神宗館餽之利瑪竇著天主實義諸書士大夫如徐光啓李之藻輩好其
說譯著幾何原本職方外紀諸書泰西科學傳入中國自此始萬歷四十四
年神宗以廷臣言下逐客令徐光啓上書爭之天啓四年遂弛禁時龐迪我
熊三拔龍華民陽瑪諾鄧玉函艾儒略諸傳教師皆在北京德國人湯若望
亦至多通天文歷法駁正欽天監之誤而與天行賂合朝廷遂准以傳教師

兼任欽天監事復命鑄造火器蓋中國非重其教特珍其科學然傳教緣是

少陷害東洋史湯若望又述耶穌靈蹟及受刑贖罪類末寫圖流布於是自設

輔開堂蔓延各省凡十三省有天主堂三十所中西紀事有明末年中國信徒至

數千人崇禎初從徐光啓請宮府毀銅佛像烈皇小記永歷帝皇太后及太子皆

奉教受洗其將亡也皇太后介庇天壽乞援羅馬教皇計先後信教者有宗

室十四人達官四十人宦寺十四人至清而禁令森嚴葡教士以蘇爾金蘭

係賜令自盡

戊申六年蘭州平涼西甯等所屬州縣禾苗有兩害蟲傷之處

奉上諭該督撫留心賑恤停止催科據蘭

州市西北日報載民國二十五年五月十七日晚四時許隴西縣內忽黑雲迅雷由縣西北突至城垣附近天降冰雹大者如雞卵小者如桃核田禾多被損傷旋據城南之三品石二十里舖沙家莊及彭家崖溝一帶村農報稱冰塊竟有厚二尺寬五寸之大者翌日又據寧島川民來報云九重所降大冰塊鄉民擡來數塊雖經十數小時之溶化

尋常水旱備災
政府即當心振
恤民為邦本有
不得不知此者

而秤之尙有一百零八斤之重想初落時其量較此更重此次降雹隨西西南二區最
重東北一帶尙輕而人畜死傷房屋倒塌田禾之損失其數正在調查並攝影呈報省政
府

慕壽祺曰玩有之一字則被災之區田禾尙有存焉者矣而專制國家諭令本管督撫停
止催科可不謂之愛民乎哉近年以來甘肅全省荒旱密雲不雨屢乖龍潤之詳飛卷成
災忍聽鶴鳴之慘固數百年來未有之天災貧無聊賴者甚至殺
子為炊而加賦者如故催科者不停易曰屯其膏其斯之謂歟

準噶爾侵噶斯斥埃散秩大臣達爾追擊之獲遺賊盆素兒

賊夷侵犯噶斯卡倫
官兵禦之敗達爾聞

警歲且終矣即於除日出口統綠旗蒙古官兵追剿直抵噶斯禽獲準噶爾遺賊盆素克
收其陣亡官兵骨殖尙欲進追旋奉命不必深入連即撤回已築烏木漢城於西甯正西
一千二百餘里
駐兵遠斥候

勅甘肅巡撫張廷棟纂修新通志

省之有志猶國之有史也甘肅省記載向係關略
而人所共知者附於陝西通志內現在陝甘劃分

疆界帝勅巡撫纂修甘肅通志始設局於蘭州旋以軍務殷繁巡撫移駐酒泉塞外馳驅
不遑監理至乾隆元年春三月巡撫劉於義移駐皋蘭迺分門整理是年九月初六日編
次成帙共五十卷繕
稿既竣鳩工付梓

案九州之志興於上古自羲農軒頊之代已有八索九邱解之者曰九邱九州也顧其書弗傳至大禹周行天下平治水土成則三壤成賦中邦而九州之紀載於是較若列眉迨於周官有職方氏掌天下之輿圖內史掌邦國之志外史掌四時之志而一切山川原隰戶口貢賦人材物產風俗歌謠靡不具載是漢唐以來郡國之志皆仿周官而為之者也今一省之通志猶古者九州之志

又考張廷棟雍正六年置甘肅巡撫七年以河南舉人許容補授乾隆元年陽湖進士劉於義署任案經三任時閱兩朝通志之修搜討故實博採輿言凡地方建置沿革疆域廣袤遠近山川關梁之險易城池公署之布置田疇水利之疏濬學校祠祀之昭垂戶口財賦之繁庶兵戎驛政之修明鹽法茶馬之成規風俗物產之同異職官有古今增損之殊名宦履其居官政績人物論其生平才德詳忠孝節義以風世勸俗載古今著述以潤色文章裒舊益新粲然罔不備

己酉七年甘肅撫標增經制外委八員九年改撫標左營游擊為參將十三年增額增步

春三月蘭州寶羣局停止鑄錢戶部覆奏甘撫張廷棟奏甘省由前撫石文焯收買小錢改鑄大錢擾民已甚請暫停鼓鑄應如所請得旨石

文焯其屬草率交部議處

夏四月巡撫許容初設回民義塾名曰養正義學於蘭州南關蘭州回民共十四坊向無義學至是始於拱辰門內

崇新寺北設義學一處乾隆五十年重建同治兵興學徒星散十三年春總督左宗棠補蘭州道轉飭蘭州府舉蘭縣興復義學光緒元年同紳馬士燾購南潭口李友坊居民張

中魁房屋一院改建回民義學規模為之一擴

幕喜祺曰物價比較人民生活不易維持非特蘭州為然也嘗閱養正義學檔案光緒初之房價何其廉哉據馬士燾呈稱以蘭平銀二百兩買房屋二十一間宣統二年冬

閱縣署卷宗禁率用皮裘一襲發商人制錢一千六百文蓋半價也今則諸物昂貴比之清末超過十倍而風俗日漸奢華禮曰國奢則示之以儉教民者盍先於此加之意乎

以潘允敏任陝甘學政

允敏漢鑿精明士無遺才尤亟亟勸以正學嘗曰吾奉命據三尺為國家量才僅得虛浮士帖括雖工朝廷何賴焉甘人凡經

賞識者皆爭自磨礪而務教其品

以許容任甘肅巡撫

時甘雖肅清吏治猶多廢弛容蒞任劾貪酷懲奸猾裁州縣陋規賑撫饑黎開疏渠利歲屢旱禱雨輒應捐俸修金天觀復即前明

花園地創修蘭山書院籌膏獎增月課躬親訓迪士風由是蒸蒸日上明末以來甘肅省迭遭兵燹志乘鮮存容極意搜羅修通志五十卷乾隆十八年重修孟忠毅詞紳士請以

國初撫甘許容及劉斗皆有功德於民並祀祠內從之

秋七月豁免甘州涼州甯夏西甯及關外靖逆衛等處額賦

奉諭年來用兵西甯剿撫苗蠻及目今辦

宣統二年作者
任蘭州地方審
判廳刑庭主任
推事有弔卷之
權
清光緒元年以
前陝甘共一學
政雍正時西甯
各縣生員或應
試涼州或應試
狄道往返維艱
諸多不便

先是甯遠大將
軍岳鍾琪奏稱

理軍需一切皆動支公庫而糧餉轉輸不無資於民力朕心深為軫念是以降旨將甘肅四川雲貴廣西五省庚戌年地丁錢糧全行蠲免查甘肅之河西四府如甯夏西甯及甘肅涼州以至嘉峪關外之靖逆赤金柳溝等衛所歷來額徵俱係糧料草束與各省額徵折色無異今當用兵之際雖絲毫不派及民間而黎民踴躍急公之意大將軍岳鍾琪屢次奏聞甚屬可嘉應將額徵本色加恩豁免以示惠愛邊民之至意著戶部即行查明具奏查甘肅之靖逆衛庚戌年應徵馬糧四百六十六石零大草五千三百八十八束已奉上諭全行蠲免其河西之甘州涼州甯夏西甯及肅州道屬以至赤金柳溝各衛所庚戌年共應徵糧三十五萬六百五十五石二斗四升零草四百七十五萬二千三百六十九束應悉行豁免

案靖逆衛後改靖逆廳即今玉門縣明永樂二年設赤斤蒙古所尋升衛清因之其地在玉門縣之東雍正四年改屬靖逆同知乾隆四十一年仍改玉門縣移靖逆廳入焉柳溝衛故城在布隆吉爾漢置淵泉縣於此在今安西縣東一百六十里後裁併入安西直隸州

是歲裁西固守禦所設撫夷同知西固軍民所元至正二十六年置明洪武四年改置西固城軍民千戶所屬陝西都司十五年改屬岷州

衛復設階州西固參將一員清初改設西固守禦所至是裁守禦所歸併階州州同管轄番人蕃化編里為民設撫夷同知隸鞏昌府後裁同知設州同分治仍隸階州直隸州

案階州志西固城白馬羌地漢屬武都郡三國時為蜀地鄧艾伐蜀與其子忠一從牛頭關一從宕州合兵建橋而渡乾江因名鄧鄧橋唐為大澤縣南宋時吳玠守之俱屬階州

南境元至正二十六年設西固千戶所明洪武四年徐達兵至千戶韓文率衆歸附改守
禦千戶隸岷州衛萬曆六年分階州州同監收外郡糧餉兼管四里丁糧清因之今改縣
嘉善或曰今西固縣東南距城八十里地方有所謂三岡五坪者其間有壩香焉地廣大
江土沃宜稻爲番子所居如此膏腴而聽其荒廢可惜哉昔三國時蜀漢大將軍姜維屯
田沓中卽此地也東接武都漢中北近隴西臨洮南有陰平天險使無黃皓擊肘未
嘗不可恢復中原也夫東南人滿爲患矣倘遷民以實沓中其爲當今之急務乎

庚戌八年夏四月敕建河神廟於西甯

是月十三日奉上諭古稱黃河之神上通雲漢光
啓圖書禮曰三王之祭川也皆先河而後海

謂務本惟神澤潤萬國福此兆民自古及今功用昭著我朝自定鼎以來仰荷神庥尤爲
彰顯或結爲冰橋以濟師旅或淤成沃壤以惠黎元或湧出沙洲作天然之保障或築成
隄岸屹永固之金湯他如濟運通漕安瀾順軌有感必應無禱不通至於澄清於六省之
遙閱歷於七旬之久稽諸史冊更屬罕聞神之相佑我國家者主矣朕以禮之心至爲誠
切因念江南河南等處皆有廟宇虔恭展祀而河源相近之處向來未建專祠以崇報享
典禮急宜舉行查河源發於岷嶺地隔遙邊人稀境僻其流入內地之始則在秦省之西
甯地方朕意於此地特建廟宇專祀河源之神敬奉蒸嘗以達神觀
其如何加封神號及度地建廟一應典禮著九卿悉心詳議具奏

案唐開元中張守節作史記正義云河州有小積石山河源出大岷嶺入鹽澤東南潛行
入吐谷渾界大積石山又東北流至小積石山是大積石在吐谷渾界卽今青海境內小
積石在河源關卽今河州西鄉之積石關禹導河當在青海雍正九年冬十月河神廟工
竣世宗親撰廟碑內云禹貢有導河積石之文考其地在西甯河州境內黃河流入中國

自此始乃勅甘肅巡撫於河州相度善地恭建新廟是以小積石為河源矣與山海水經以及班固郭璞鄭道元諸說不相符合蓋其所採取者劉元鼎之筆記杜佑之通典歐陽元之漢記馬端臨之通考潘昂霄之河源記皆以訛傳訛其說不足據

幕審成曰西北為大夏海澤黃河為衆水尾間萬姓資生之業莫先於此矣夫四廣之中河為大自星宿發源經行數千里而入甘肅澤潤生民澄清千里沮洳悉淤為沃壤輪曉且及於鄯疆自三代以來敬共明神欽崇祀事建廟以祭禮也亦所以重民生也河神之福國佑民有不謹祝丕彰者乎

秋八月設定遠營於賀蘭山後

賀蘭山在甯夏府西盤踞數州望之如駿馬朔方之界蔽沙漠之咽喉也上念山後一帶距甯城最近特移尼

洛特郡王阿寶部落於西海渡厄爾多斯七位領於河東險要盡歸內地又命侍郎通智細行踏看會同岳鍾琪詳議具奏旋看得賀蘭山後葡萄泉等處水甘土肥引灌諸泉亦可耕種兼之山陰挺生松栢灘中多產紅鹽且形勢扼滄海往來之捷徑控前塞七十二處之隘口爰相地形之高下因山築城率皆名曰定遠營

嘉慶祺曰雍正時命侍郎通智光祿卿史在甲督理甯夏工務修濬惠慶昌濶二渠特設新渠寶豐兩分縣又於賀蘭山後特設一營名曰定遠置屯兵防套處用意深矣厥後阿

冬十一月命祭大將軍岳鍾琪祖墓於蘭州

是月乙未諭大將軍岳鍾琪忠誠體國懋著功勳實由先世積德業仁是以誕

生賢良為國家之柱石查岳鍾琪晉封公爵以後未遇軍恩尚未領受特與以表勳勞著照岳鍾琪公爵給伊曾祖祖父三代及本身封誥聞伊之祖墓在蘭州地方伊明春前赴軍營取道祖營之側着賜諭祭一壇令撫臣致祭以示朕眷禮大臣推恩先世之至意

案舉補縣志岳鍾琪字東美一字容齋蘭州人昇龍子有大功勳累遷至四川提督總督因家於四川焉鍾琪幼時好布石作陣進退羣兒頗有法昇龍器之喪以同知武授松潘鎮游擊遷永甯副將康熙五十八年西藏達娃藍占巴等叛大將軍親王噶爾弼率鍾琪征之用兵神速奪險渡江殺逆番七千人擒首犯達娃等西藏平遷提督駐松潘雍正元年青海羅卜藏丹津寇西甯大將軍年羹堯召鍾琪會謀沿途擄青海為之奪氣既奉檄征爾洛弄寺刺麻於華里破伏設謀大敗賊樓破賊萬餘官兵止三千也

墓壽祔曰蘭州岳氏來自湯陰因鄂王之嫡派子孫也初居皋蘭所屬之永泰堡後遷岳家巷道入榆中縣籍及鍾琪總督四川遂為四川人其祖墓之在紅水者今又歸景泰縣管轄距省遙遠岳氏子孫寄寓錦城復誰為之祭掃哉清末詔各省保存古墓當時有人呈請總督升允令紅水分縣縣丞凡岳氏祖塋所在地禁止橋採亦一紙空文而已改革後前代帝王陵寢盜掘者非一處也而鍾琪祖塋以地處偏僻得保存其骸骨亦云幸矣

是年始立循化營 舊隸河州 今歸青海 保安堡屬焉 先是雍正七年陝西總督岳鍾琪奏竊查西甯鎮河州所屬保安堡地方孤處口外

四面環番向設守備一員守兵一百二十名駐守查安設官兵原爲彈壓番族自應招募兵民方於營伍有益乃從前奉行未善即以番族部落充募以致土千總王喇夫日得挾其所恃將關支兵餉一切差操皆操縱自恃不由守備經理而所募番兵亦復效尤尾大不掉因而王喇夫日驕貪日恣漸肆狂逞經臣奏請發兵進剿雖據番族等畏懼兵威王喇夫日擒獻而從前附和之番兵止可寬其已往之罪未便仍令在伍食糧隨將保安堡原募番兵卽令遣回其雍正七年春季額餉臣卽轉飭照數加貯並將召募內地民兵以及扣除糧餉緣由咨明兵部已准部咨在案但保安乃口外地方額設守兵一百二十名不足以資汛守請增守兵八十名共足二百名之數俱募兵民再設把總一員令守備管領駐防於似邊營有益再查河州撤喇地方亦在口外俱係回民居住約有六千餘戶與西甯所屬巴暖營汛界相連係土司韓炳韓大川所轄地處邊徼人皆強悍鮮知禮法每於附近內地偷竊爲非雖有土司管轄而終屬同類難以鈐制兼之人多勢衆沿邊番族亦生長懼遠得肆其奸頑偷盜成習案犯疊疊前副將冒重光於進剿王喇夫日時順便至撤喇地方勒緝盜犯守法回民俱已望風就撫將積盜首惡馬滿尙擒獲其餘案犯聞官兵出口俱先逃匿現着土目韓炳炳等務獲解訊結案隨據土司韓炳炳等呈稱撤喇地廣人稠回民桀驁不馴微末土目委難約束請設兵駐防以期安帖今若於撤喇地方安設營汛彈壓化誘教養訓練則數年之後卽可爲邊地藩籬之用不特撤喇回民得以遷改向化卽沿邊各番亦可因此針束伏查前青海平定之時年歲堯於條奏事宜內議於保安堡添設游擊弁員增兵四百名今查撤喇去保安僅一日之程更屬緊要若將原議添設之官弁改設於撤喇將兵制加增居重馭輕更爲妥協今臣等議於撤喇地方設游擊一員千總一員把總二員兵八百名馬二百八應設馬兵一百六十名步兵之內職守各

熟於撤喇歷史
故言之如此其
中肯也

不主張多帶兵
便是愛民主義
滿洲大員如衆
滿保者不愧一
路福星萬家生

半應設戰兵三百二十名俱以附近民人募補不得仍前將番回部族充伍所設兵弁會
游擊管領隸河州協副將兼轄仍隸西甯統轄其保安守備即為游擊屬營令其事務
查以壯犄角之勢所需游擊駐劄城堡衙
署營房等項事宜俱照例勘估撥銀建造
幕審祺曰清初固原標兵為各省冠其次則狄道兵可用蓋狄河接壤亦地勢使之然也
豈知循化所屬之撤喇回其強悍在固原狄道兵以上暗地處邊徼與番雜處以生計困
難每於附近內地偷竊為非地方官吏視同化外之民從無澈底辦法至乾隆四十六年
蘇四十三之變政府始知有撤喇回一種以其強也則又畏懼而不敢用非策之善者也
岳鍾琪奏設保安游擊時應募馬步兵倘參用撤喇之良善
者使其與漢族相往還久之而鴟音可革豈非西北之幸哉

辛亥九年春命侍郎榮佛保統兵萬人防範青海

時準噶爾侵犯西北兩路軍營上命
佛保統兵萬人防範青海佛保以僕

支費繁奏用三千人可以堵禦時青海扎薩克鎮國公拉插布扎薩克臺吉插罕阿拉布
坦各帶部屬潛逃夏六月青海大臣達琳額駙追主木魯烏梁台備糧餉調集彼地番人
招撫而插罕阿拉布坦之子拒捕被殺其拉插布插罕
阿拉布坦就撫解部上寬其罪悉追奪公誥降為庶人

案烏魯木蘇河口在前藏東北二千九百里與西甯番屬連界向由西甯撥民人四十戶
在河口駐牧盤詰往來行人按月具報凡往西藏者由西甯起程至烏魯木蘇河口計三
十程共一千七百一十里
有瘴氣地方一十三處

慕審祺曰準噶爾治伊犁占領烏魯木齊塔爾巴喀臺及與教場連界之巴里坤由敦煌犯青海固自易易其意氣之盛可謂壯哉衆佛保之防範也固宜及乾隆初新疆歸我版圖準噶爾遂一蹶而不復振又何其弱也嗚呼盛衰之理豈非天哉

以工部侍郎馬爾泰駐肅州籌畫軍務

爾泰滿洲正黃旗人雍正三年奉旨督建安西各處城垣至是復主肅州籌畫軍務十三

年以市易夷貨復主肅州撫懷柔遠威惠並施乾隆八年以總督巡察邊營爾泰三主肅州再抵安西鼓勵戎行而營伍以整完察民隱而姦宄以除

河州知州顧爾昌團練鄉勇九千餘分布二十四關

清初河州二十四關雖以塔兵把守然各關皆有土兵分

屬各土司猶不足為防範至是知州顧爾昌團練鄉勇九千餘人分佈二十四關藩籬鞏固乾隆四十六年撤喇回民變陡入關門彼時鄉勇器械在收查民間烏鎗案內業已收銷且執事者不知鄉勇之備承平日久事起倉猝誤未調集於四十七年辦善後案內河州州于隄復請增製二十四關鄉勇器械總督李侍堯謂鄉勇無用途奏請裁革而鄉勇均係沿關百姓其裁革尙未知也四十九年肅茶軍及教匪之亂防守尙藉鄉勇之力而器械總未製臨時於營中撥用猶如私設而已嘉慶四年同知某捐製鳥鎗一百杆存

庫州

案二十四關循化與河州共之者也關內屬河州關外屬循化諸關多在循化東境及東南境今往來者皆由積石老鴉二關其餘路既迂遠又經番寨必入積石老鴉二關經河

州境乃主各關故其道里不得而詳謹據河州舊志書略言里數列於附編其中亦有錯謬未可以為定矣

慕審祺曰昔茫仲淹領慶州日與夏人戰籌畫攻守之策奏言守以土兵則安守以東兵則危蓋深知西戎之所長也欲勝其所長非用土兵不可河州二十四關素以鄉勇把守

可謂善用土兵矣羅卜藏丹津之叛西甯圍練大通民兵皆能力遏凶鋒為國家宣力而

夫鄉勇生長邊陲各有身家熟於戰時地理比之標兵一可當百所費幾何而顧愈急裁減耶語云千羊之窟不如一牛政府而果欲綏疆固圉也曷於宜裁者早為之計焉

許舊土爾扈特部 即今額濟納部 游牧額濟河內 先是舊土爾扈特部游牧額濟河地逼俄羅斯及準噶爾康熙四十三年詔封納札爾

瑪穆特之子阿喇布珠爾為固山貝子賜牧色爾騰先是阿喇布珠爾嘗假道準噶爾謁達賴刺麻既而阿玉奇與準噶爾會策妄阿喇布坦修怨阿喇布珠爾自唐古特還以準噶

爾道梗留嘉峪關外遣使至京師乞內屬上憫其無歸故有是命使轄其衆五十五年阿喇布珠爾奏請從軍效力詔率兵五百駐噶斯旋卒子丹忠襲雍正七年來朝晉封多羅

貝勒主是以色爾騰牧通噶斯之察罕齊老圖懼準噶爾掠乞內徙陝西總督查郎阿令

攝威屬游牧阿拉克山阿勒坦特卜什等處尋定牧額濟河內後至乾隆五年丹忠卒子

羅卜藏達爾札襲十八年詔世襲固營分地跨昆都倫河東至爾古爾南至毛日縣丞民地西至大戈壁北至阿濟山所部以來歸先故亦稱舊土爾扈特不設盟長案額濟納舊土爾扈特部在阿拉善旗之西當甘肅省甘州府及肅州邊外至京師五千五百餘里漢為居延縣地張掖郡都尉治此後漢初因之安帝時改置張掖居延屬國別

秋野性難馴
不可取文化干
義不可取文字
不取以博通為
不取以博通為
不取以博通為
不取以博通為

領居延一城獻帝建安末立為西海郡魏晉因之永嘉以後地屬前涼張軌後涼呂光北涼沮渠蒙遜西涼李嵩等相繼割據元魏為涼州所轄地隋唐為甘肅州北境大歷中陷於吐蕃宋景德中地屬西夏曰威福軍元為亦集乃路屬甘肅行中書省明為甘肅州二衛邊外地一旗

壬子十年於西甯大通縣勅建廣福寺 黃教之興盛於西土其道根源天竺演說因果覺悟羣生使為善者知勸作惡者思懲與作善降祥

作降善者降殃之理默相符合所以易俗移風裨助於王化為益洪矣西甯舊有郭莽寺地處通途為邊塞古剎從西越口喇嘛皆於茲託足即佛家所謂十方院也自羅卜藏丹津悻義作逆茲寺奸頑喇嘛與相接連煽動部落遂使修行之區轉為藏奸之藪是以大兵進討除其衆而燬其寺至是復發帑金遣官往為重建佛殿經堂僧舍山門規模復舊丹麓一新游方之僧以二日為限俾其宣揚妙法且使

有所棲憩董役之臣來僧衆請往易嘉名賜額曰廣福寺 慕善祺曰蒙番以佛寺為政府以諷經為讀書籍以保存其語言維持其宗教既焚之矣又何修焉夫神道設教金字寫經其盛舉也蓋福田利益人所樂聞而輪迴之說不過謂為善者死則上通高明其極品與日月同光為惡者死則下淪污穢其極下與沙蟲同類番僧造創為薦拔之論元明兩朝寫經追薦不知凡幾其效則茫如捕風以世宗之明決不至為其所惑其勅修廣福寺也以夷法制夷人不惟愚民且使之弱種意深哉

秋七月調岳鍾琪回京命少保大學士伯鄂爾泰前往肅州督巡陝甘經略軍

務

土魯番內附

土魯番一旗舊駐瓜州在嘉峪關西五百五十里禹貢雍州之域周為瓜州戎所居漢為敦煌郡地晉為晉昌郡地後魏為常樂郡地隋為常樂縣唐為

瓜州宋屬西夏元復置瓜州明為沙州衛地至是內附上以其頭目有功令掌旗有自塔爾納沁移駐於此後設土魯廳隸甘肅

冬十一月規定玉書

舊作玉舒今作玉樹貢馬之制 玉書在西甯迤南距府城一千七百餘里舊青海地各番族與蒙古交納錢糧並無定數

任其增減索取無休以致衆心不服雍正四年青海大臣達爾會同西甯總兵官周開捷安插西甯河洮各番族因玉書道途遙遠痛苦未即解除是年達爾委員外郎武世齊等會同四川及西藏派出官員查明界限內有番子三十九族共計四千八百八十九戶暫歸駐藏大臣等管轄其應歸西甯番子大小四十族除喇嘛覺巴拉喇布二族七十餘戶一在南城邊界一在木魯烏素河邊原不曾納差嗣後令附近河邊居住者承當濟渡之差附近南城者於差官會盟時聽差送文免其納馬外其餘番族按部落之大小每部落以一百戶為限共納馬一匹折銀十兩如不及百戶之部落亦照馬匹折價每戶納銀一錢令辦理青海番子事務衙門會同西甯總兵官行令各該頭目傳諭該管番子於六月間定為期限解赴西甯即再委員公同交貯西甯道庫充作正餉年底造册報銷其前項番族所管千人以上之部落設千戶一員百人以上之部落設百戶一員再千戶之下酌放百長五六人百戶之下酌放百長三四人其不及百戶之部落設立百長一名每十戶設一什長照依四川舊例給與各頭目號紙以資管束併將律例依唐古特字跡譯出同

西青龍字飛天
以戰功至誠而

蒙古字律例一併各給一套於十一月二十六日奏奉旨此事依議爾等將各番子等所
納馬匹價銀以一十兩尙多再減二兩欽此於雍正十一年經徵起按千百戶每年實馬
一匹折徵銀八兩不足百戶者按戶遞算每戶徵銀八分共額徵銀六百六十九兩五錢
二分後至民國二年四川都督尹昌衡以玉樹地近川邊應歸四川管轄查雍正十年安
插玉書納克書等處番子經委員等詳細查明內有南城巴喀地方係在西甯西藏四川
三處之中自此處可以分爲疆界惟阿喇克所一部落先經分隸川屬但此地歸併西甯
之蘇拉莽吹靈多爾朵東巴等部落之中距川甚遠附近西甯若仍歸四川恐
番子等互相生起事端難以彈壓應歸西甯管轄南山可移此案決不可動
案玉書納克書番人七十五族皆藏族也納克書等三十五族距西藏近歸藏王管轄玉
書等四十族距西甯近歸甘肅管轄內有二族免其貢馬故稱玉書等三十八族此雍正
十年所劃之疆界降至清末縮爲二十五族而玉書改爲玉樹矣夫玉樹本二十五族中
之四族以地當入藏孔道常代表各族辦理支應故內地公牘率稱爲玉樹等二十五族
及其久也地則運稱爲玉樹二十五族以專名爲公名正猶隴省之稱甘肅皖省之稱安
徽閩省之稱福建也玉樹有囊謙千戶爲二十五族之領袖若稱爲囊謙等二十五族則
名正矣

癸丑十一年署固原提督潘之善卒

之善甘肅靖遠人前固原提督潘育龍從孫也初隨
任於肅川軍次康熙三十五年從征噶爾丹於照莫

多中火器傷召來京醫治授藍翎侍衛旋駐防哈密復擊準噶爾於烏魯木齊雍正元年
青海蒙古羅卜藏丹津叛與孫繼宗等會勦於布隆吉爾積署四川提督授安西鎮總兵

提督駐國原清
聖祖西巡閱兵
請大學士馬齊
白朕巡視天下
兵皆無如潘育
龍所部者

七年二月以目疾乞歸不許八月署固原提督諭曰此任乃汝叔祖潘育龍之所整理為天下第一營伍其流風餘韻至今可觀並特遣太醫隨時調治之旋解任十一年奉賜祭

葬如例

新開肅州屬之柔遠堡平川堡毛目城

今鼎新縣

雙樹墩屯地

所開屯地招民承種秋收時除歸還官借籽種

並扣除耗糧外官民各半分收

案平川堡在高壽西五十里明初置城周二里有零四壩堡在其西二十里舊屬甘州毛目城在高臺縣西北又有平朔城二城皆周二里相傳皆元時守禦處屬威遠衛清設毛目縣丞民國十四年改鼎新縣雙樹墩即雙樹屯屬鼎新縣

嚴禁甘肅提鎮各員私派侵蝕等弊

甘涼肅等處兵丁本年所領銀兩帶許加倍增給以示體恤至是又諭內閣近聞員弁中尙有

營私贖徇凡有過往應酬及一切雜費俱於各兵攤派即如甘提馬廠每年尙有餘利若盡歸公用於兵丁不無稍補前任提督宋可進止知因利不恤兵銀剋扣餉銀濫用公帑各鎮將弁未必不倣效而行著署督劉於義侍郎杭奕祿嚴飭陝甘提鎮將營中所有除各官俸薪及親丁口糧外凡有餘利俱歸公用接濟兵丁不准絲毫乾沒入己亦不准借公費等項名色攤派署提督劉世明受恩深重尤當實力奉行毋得仍蹈故轍自取罪戾

甲寅十一年甯夏重修大清渠

先是康熙盛時甯夏府水利同知王全臣水利都司唐渠紳士值春工方興隨甯夏道鞠宸咨親詣各渠細勘見漢

渠口之上有一小渠名曰賀蘭渠寬數尺長十餘里乃前任甯夏道管竭忠據居民所請開濬者別引黃河之水灌田數頃全臣上下相度見河水直冲渠口口低身小導引不得其方莫能遠達乃謀諸司水王應龍請於宸咨欲藉此渠形勢另開一渠以助漢唐兩渠水力之所不達宸咨曰此渠曾經甯夏紳民逕呈巡撫省委惠安堡鹽捕通判王惠民勘驗形勢據稱甚有裨益後以工程浩大約計用夫萬餘一月尙不能竣又慮修理開濬需費不貲遂中止吾有志久矣汝第力行之全臣曰工程不在大小願用夫如何耳用夫不得其法雖數里亦覺艱鉅若量土以計工量工以計夫此數十里之渠計日可成渠者告成開濬自易也宸咨聞之善乃令全臣與都司役用額夫又私語其所親曰王倅謂計日可成談何容易哉全臣相度地形距舊賀蘭渠口之上三里許直迎水勢另開一口至馬家莊地方引入舊渠而擴之使寬行三四里至陳俊漢壩兩堡之交即棄舊渠而西引水由高處行以達於唐渠雖遠至數十里而莊園墳墓皆繞以避之毫無所傷其所損田畝照章免其差徭居民莫不懷忻樂役於康熙四十七年九月初七日興工至十三日渠成十五日宸咨親詣渠口開水不崇朝而徧注田間自來高亢之地一但水盈阡陌婦女孩童咸爲驚喜其渠口上距唐渠口二十五里下距漢渠口五里乃右衛唐壩堡所屬剛家嘴地方口寬八丈深六七尺渠身寬三丈五尺深五六尺稍木十五里二分寬一丈六尺深五尺東西共陡口一百六十七道濬漑陳俊漢壩林泉器靖邵剛玉泉李俊宋澄九堡田地共一千二百二十三頃有餘至宋澄堡地方仍匯入唐渠宸咨以此渠開十餘年聚議止爲道旁之築者今告成於頃刻且相度形勢較王惠民向所勘驗引水更易

則又大喜對衆而言曰昔岳侯平楊太謂七日可成功新渠之成以如之吾今乃知英雄之非以大言欺人也以此用夫之法修理漢唐兩渠水利均霑復何難之有明年復於陳俊堡地方建石正閘一座計兩空每空寬一丈閘外建石退水閘三座工既成因命其閘曰大清渠曰昌潤渠全臣復於閘上建橋房五間左則建遊亭一所其規模竟與漢唐兩壩鼎峙矣歷三十餘年渠口不無損壞主是遂重修焉自時厥後乾隆四年甯夏道鈕廷彩四十二年甯夏道王廷贊又借帑大修

省政府聘嶗山全真道人住持蘭州金天觀

先是巡撫許容重修金天觀後因道士寄養眷屬道俗不分故聘全真道人王

性耐住持此所謂嶗山派也甘肅道人多龍門派惟蘭州多嶗山派初明肅邸好道術金天觀之外創凝熙觀斗母宮天齊廟上帝廟太乙延慶宮皆在蘭州延火居道士住持案金天觀俗名雷壇在皋蘭縣西南二里許明肅藩修道處西傍華林東近龍尾南望天都握橋在東北隅爲其關鎖初建於永樂丙戌重修於嘉靖壬子其中松柏檜槐皆千物假山上枯松一株形狀奇怪尤堪入畫其觀之制東有望仙橋西上乃外之垣周圍三里東有大門左右列戟曰皋蘭福地正南鑿一碧沼曰五龍之潭外南門曰金天觀龍虎在焉左有元壇祠右有真武祠正門曰九天門雷公電母風伯雨師居其下中有檄雷之壇左曰法主堂右曰天師堂正殿曰雷祖殿殿南向其雷師皓翁卿使師相十大雷神列班左右後有元極殿中有三清左右設南北二派五祖七真周市廟廡後有神御殿在九陽峯上東有道院西有環室語見肅莊王金天觀記銘清初甘肅巡撫許容又重修焉

是歲甘肅兵備道王全臣呈報開墾安西衛荒地並振興水利

先是明永樂元年置赤斤蒙古沙州

二衛即今安西敦煌二縣地成化後土魯番侵掠廢沙州衛正德中徙瓜沙人民於肅州
寨內嘉靖三年閉嘉峪關瓜沙遂爲吐魯番所有清初瓜沙以西盡入版圖雍正元年置
安西同知治布隆吉鎮安西衛沙州所三年升沙州爲衛五年升安西廳爲衛惟地半荒
蕪渠多淤塞全臣於十一年開墾安西荒地二千石又一千五百石共三千五百石給與
回民爲養贖之川至是又督令回民自開地一千五百石以上共五千石內種小麥四千
五百石青稞五百石又五堡回民開墾種植瓜菜地二千畝又開墾屯田一千石俱種小
麥又因修理渠道招用開夫開地一百五十石又安西鎮標兵丁借給銀兩開地五百石
又自備工本開地三百石共計八百石俱種小麥又文武効力官員及營役兵民人等自
備工本共開地八百石種小麥青稞不等此八百石地畝令安西衛註冊照例六年升
科作將來招徠戶民承種之用以上共籽種地七千七百五十石瓜菜地二千畝俱係雍
正十二年報數但安西田多水少全臣思所以益疏勒之水者尙有靖逆之大東渠尾亦
入布魯湖棄之無用擬於尾流處開一渠導之西行由屬疏灘注橋灣歸入疏勒則沿布
魯之羣泉俱南流入渠可
加一半不患其水少矣

案安西有疏勒大河蓋自南山發源會合昌馬河散爲十道溝匯入大河內須加疏濬又
查靖逆西渠餘水及西渠之西大小泉水俱散漫流入布魯湖中此皆靖逆民間不用之
水亦應設法俾匯歸疏勒大河方得暢流以資灌溉其靖逆地方自西渠起至三道溝以
西止開渠一道長一萬二百六十丈計五十七里自三道溝以西水溝起至橋灣止開渠
一道長五千八百八十丈計三十一里中有攔水壩八丈減水閘三座其安西衛地方自
安家窩鋪起至乾溝止開渠一道長九千丈計五十里又自炭窩起至瓜州止開渠一道

長九千一百八十八丈計五十一里中有攔河壩二十丈減水閘三座又十二年於瓜州之南距回民地二十里之外再開地一千石自安家窩鋪新開渠口之上七里許開渠一道自渠口至瓜州計長一百零四里共長一萬八千七百二十丈今計回民北渠在疏勒河南岸引水南流折而西過安西鎮城直達回民五堡散爲四支渠一曰比橋渠漑回民五堡地二曰崇壩渠漑回民頭堡地三曰千倉渠漑回民二堡地四曰萬箱渠漑回民三堡地共地三千五百石餘丁渠鎮城之西南隅餘丁所耕地也即於大灣渠之西岸分岔引水漑田一千三百石小灣屯田渠在疏勒河南岸沙棗園之西引水南流經小灣莊北回民南渠在大小灣兩渠之間安家窩鋪上流入里南岸引水南流直達瓜州之南計長一百四里漑新墾地二千三百石全臣又履勘雙塔堡西沙棗園對岸故有渠跡可以直達瓜州計長二百餘里工用浩繁又勘得小灣渠西安家窩鋪斜對岸亦有舊渠至瓜州止長一百餘里內有五十里須挑挖寬二丈深四五尺餘五十一里祇須疏通又恐其泛濫築攔河壩一道還水入渠不惟新瓜州地土成熟即南至古瓜州故城址週遭咸被其利焉至疏勒河水回日微細今三渠並受而不虞其不足則全臣相度靖逆之水不使入於布魯而人於疏勒且萃衆溝泉以成其盛也南渠南第一支漑渠夫官田一百五十石北第二支漑瓜州營兵田三百石南第三支漑蒙古包官弁墾田三百石北第四支南第五支第六支第七支以及總尾皆漑新墾回民地一千五百石

乙卯

十二年罷西甯駐防準噶爾官兵

時大兵在額色爾津一帶駐防供支浩繁總理青海巡撫德齡奏准撤回由青海衙門接收防務

案西甯出日月山隘口即青海蒙古地界正南山青海達四川松潘西南係入藏之途惟正西地方遠闊徑通準噶爾西北過山即屬安西敦煌正北則有通甘肅赤金之路其應

防準噶爾窺伺緊要之處自雍正二年懲創青海蒙古諸部落後安設兩臺卡以防之一路係自哈什漢水頭臺起至木克胡蘇素十臺自十臺由希席額色爾津烏木漢至德布特爾底卡自底卡由插漢哈吉爾噶順剛又戈壁噶斯哈瑪爾打坂直通準噶爾伊犁又自木克胡蘇素十臺分路由西北之阜哈哈必爾哈巴漢柴達木至佐克柴達木底卡由色爾滕衣遜插漢齊老兔馬海戈壁徑通伊犁至是大兵撤回所有防邊事宜由西甯鎮在標營派撥千把總四員馬兵一百名青海各王扎薩派佐領驍騎校各二員蒙古兵二百名自哈什漢水起至額色爾津共安十三臺以備傳遞文報於德布特爾設一卡倫駐千把二員蒙古佐領驍騎校二員綠旗兵十一名蒙古兵四十二名輪流瞭探每半月至哈吉爾地方換牌子一次以為證據於依克柴達木設一卡倫駐把總一員蒙古佐領一員綠旗兵十八名蒙古兵三十三名亦半月輪流哨探至色爾滕地方換牌子一次又於額色爾津烏木漢城內設一總卡駐千總一員綠旗兵三十名蒙古兵二百名以備守城並接應德布特爾依克柴達木兩路卡倫之用

又案日月山在西甯縣西一百七十里東北五里即河拉庫托營西甯與青海於此分界此山附近有扎什巴堡為行商往來要區乾隆三年西甯道僉事楊應琚請築土城額爾色津在西甯之正西離西甯約一千二百餘里額色爾津西三百七十餘里即係德布特爾卡倫德布特爾至哈吉爾換牌子地方約四百五十餘里依克柴達木底卡在西甯之西北離西甯約一千七百餘里依克柴達木到色爾滕換牌子地方約四百餘里又有莊浪滿營派撥巡查德布特爾柴達木等處邊隘佐領防禦各一員驍騎校二員每遇臨冬之際出口分查兩路卡倫入存之後仍進口回莊外備蒙古兵二千名聽候調遣以為常以上官兵聽總理青海番子衙門調遣

明萬曆七年詔
設各省書院至
是依復舊制
甘肅適當青海
平定之後所謂
文武之道各隨
其時也

省城設蘭山書院

書院肇於唐廣於宋明廢居正當國時令悉毀之而未幾能盡廢清雍正二年青海既平甘肅巡撫盧詢知西北不復用兵即滿營將軍府舊址

在新關路北捐建止業書院並置射圃立坊表至是巡撫許容奉旨建設即因王

改爲蘭山書院爲通省士子肄業之所乾隆三十年總督楊應瑞五十年總督

慶二十五年總督長齡道光二十二年總督恩特亨額光緒元年總督左宗棠

文仁堂後爲敬通堂又後爲射圃敬通堂前兩廂爲齋房東南隅小院一爲書庫西

院二一爲掌院住宅一爲客廳文仁堂左右爲耳房爲東西官廳東齋西院西齋三

爲儀門門外西爲監院官舍東爲書斗房又前爲大門門外東西坊表二曰興賢曰育才

今之女子師範校即其地也

案光緒九年甘肅學政陸廷獻應尋平慶涇固甯夏甘涼肅士子才堪造就者頗不乏人

勸令進省肄業恐蘭山書院齋舍無多與總督譚鍾麟商酌將省城東門內舊貢院改建

求古書院中爲講堂堂後爲客廳宅門內爲上房爲東西廂上房西小院爲掌院住宅講

堂後東小院爲監院住宅西小院及講堂前東西廂俱爲齋房時敏齋三院光緒十年布

政使魏光燾捐修在西齋後儀門南向大門及櫺門俱

東向照牆前旗杆三南北坊各一今改爲實業待行社

案唐明皇初創正書院後世因之當時聚文學之士賀知章等或修書或備講以張說

掌之南唐時白鹿洞建學館聚徒常數千百人宋太宗太平興國二年詔國子監賜以九

經石鼓書院亦係唐憲宗元和年間衡州李寬建宋初賜額真宗大中祥符間應天府曹

誠卽楚邱咸同文舊居遺舍百五十間聚書數千卷延府生徒府奏其事賜額曰應天府

書院詔以曹誠為助教八年又賜源州岳麓書院額此宋初四書院也此外又有西京嵩
陽書院賜額於太宗至道二年江甯府茅山書院賜田於仁宗天聖二年嵩陽茅山後來
無聞獨四書院之名最著元泰定
四年建橫渠書院於陝西郿縣

慕憲祺曰光緒十八年余應重試後肆業求古書院見癸巳甲午科甘肅捷鄉書者蘭山
求古兩書院居大多數倘非培植學校得人能如此其盛乎無如黠羨浮名學非所用社
會受其影響國家不知變通長此因循而猶曰英雄盡入
吾彀中矣是以八股試帖將與列強快鎗相角逐奚可哉

河州改鎮以起臺堡隸循化營

起臺自明時隸河州協此改隸
循化兼轄仍歸河州鎮統轄也
案起臺堡在西甯循化縣東南七十里有城明萬曆中修築河州志陝西巡撫賈待問改
堡移將疏云起臺險隘可否以龍溝堡改建時循化所屬河州起臺遂為河州形勝清乾
隆二十七年移河州同治於循化營主循保起民兵
勇敢善戰為世所稱亦地氣使然保者保安營也

識大將軍查郎阿駐肅州與劉於義同掌軍務

河州鎮與西甯劃分防地

奉文將西甯標路七九兩年增添新兵陸續裁汰停補又於
本年奉文河州設鎮大通改協案內將西甯鎮原轄屬之河

東洗帳隨關案奉文等十六營統歸河州鎮
管轄將大通永安白塔三營歸隸西甯鎮管轄

案清史世宗憲皇帝諱胤禛第四子康熙十七年生即位後改元雍正帝執書史者屬文能評騭人才嚴懲墨吏天下改觀其用兵也以大將軍年羹堯破青海得羅卜藏丹津以川陝總督岳鍾琪勦烏蒙蠻後歲阿爾布巴作亂前歲頗羅鼐率所部兵攻斬之詔命頗羅鼐管兩藏邊氛漸息十三年八月崩以第四皇子弘曆即位是為高宗純皇帝

附錄年羹堯理青海善後條陳

清雍正元年羅卜藏丹津以青海蒙古有拂其意者輒自征伐侍郎常壽奉命解和而羅卜藏丹津違背是時郡王代青和碩氣見其鋒銳難禦奔赴河州特命頭等侍衛達爾達赴河州招撫其貝勒額爾得尼厄爾克托克奈貝子索諾木達什公噶爾日達什奔赴甘肅州羅卜藏丹津與同黨阿拉克諾木齊阿爾布坦溫布藏巴札布等益肆猖狂是年九月世宗憲皇帝命川陝總督年羹堯往西甯以觀形勢十月羅卜藏丹津迫脅各蒙古及內外諸番侵犯西甯南北西三川焚虜村堡是時各番人大寺喇嘛亦有蠢動者遂授年羹堯為撫遠大將軍徵調川陝官兵聲罪致討以是年十月師始出塞自冬涉春屢破其衆凡同叛之部落戈鋌所指應時摧敗招降數十萬衆又降其貝勒貝子公臺吉等二十餘人上猶憫其蠢愚若悔禍愆東下來歸許其全宥乃怙恩不悛負險抗違故始決剿滅之計以方略密付大將軍年羹堯調度軍謀簡稱將士用四川提督岳鍾琪為奮威將軍頭等侍衛達爾達自河州至西甯委以隨征兵部兼議政大臣率西甯總兵官黃喜林於仲春初旬攜牙徂征分道深入搗其窟穴電掃風塵搜剔巖阻賊徒倉皇糜潰窮蹙失據直至哈嗎爾打坂漢羅卜藏丹津之母及逆謀渠魁丹津紅臺吉等悉就俘執禽獲賊衆果萬招徠三十三家臺吉策令那木札爾等所得牲畜軍械不可數計賊首羅卜藏丹津逃遁

聖居士為一
海如司馬仲
之廣公孫淵
條陳青海善
如留侯之備
而籌伏波之
米為山無一
不可見諸實
想其下筆時
光四射心細
髮所謂非常
功必待非常
人也惜乎功
而令將軍賦
自取而功在
隆民到於今
之作者爾海
舉動迴山海
善役鬼神海
虛哉

準噶爾地方我師險窮追獲其輜重人口殆盡自二月八日至二十有二日僅旬有五
日永清西徼三月之朔奏凱旋旅四月十有二日以倡逆之吹拉克諾木齊等三人獻俘
廟社於是年歲堯奏青
海善後事宜十三條

一青海各部落人等宜分別功罪以加賞罰也
從前羅卜藏丹津侵犯內地其勒色
卜騰札爾力拒及賊犯西川南川當

報信息並未出兵協助即首先投誠並引策凌諾爾布羅卜藏察漢等來投臺吉噶爾丹
戴青始終未助賊且與貝勒益蘇克汪札爾力戰哈拉克諾木齊又隨大兵出口効力札
薩克阿喇布坦係察漢片津之增隨大軍進勦効力均應請加封爵以示鼓勵又俘獲之
諾爾格隆乃圖爾占特臺吉今已為喇嘛隨提督岳鍾琪軍前効力貝勒益蘇克汪札爾
從前雖助逆賊後知悔過投誠擒賊贖罪應與投誠之公策凌諾爾布留其原封之爵以
示寬大輔國公羅卜藏察漢臺吉濟濟克札布雖經投順從前與貝子阿卜布坦巴爾珠
爾阿喇卜坦擾亂內地請革爵為民貝勒策凌教多卜貝子
拉查卜雖經投誠但久助逆賊應降其所封之爵以示懲戒

一青海部落宜分別游牧居住也
請照依內札薩克編為佐領以中約束每百戶編一
佐領其不滿百戶者為半佐領將該管臺吉俱授為

札薩克於伊等弟兄內揀選授為協理臺吉每札薩克俱設協領副協領參領各一員每
佐領俱設佐領驍校各一員領催四名其一旗有十佐領以上者添設副協領一員佐
領兩員酌添參領一員倫蒙會允請將一等侍衛副都統達鼎暫留辦理其
每年會盟奏選老成恭順之人委充盟長不准妄行私推以致生事滋擾

一朝貢交易宜按期定地也

請自雍正三年起於諸王臺吉內派定人數令其自備駝馬由邊外赴京請安進貢青海諸王貝勒應分三班三年

以次九年以周其餘內地互相交易之處定以每年二月八月二次俱以邊外為集臣選得西甯四川邊外有那拉薩拉地方請指定為集不准擅移屆期仍令總兵官飭委營弁領兵督守如有擅進邊疆者即行懲治又羅卜藏川津所屬垂寨桑係首先歸順之人應令於松潘口外駐牧授為土百戶職銜片忠部下寨桑噶隆色卜騰達什等率領數百餘人赴松潘投順見住潘州應給以千戶百戶文憑

一喀爾喀厄魯特之四部落宜不屬青海也

查伊等原非被擄之人今青海諸王臺吉內投降者咸歸仁化助逆者俱以被

擒而喀爾喀內有隨大兵投降者宜乘此軍威遠振將不願為青海屬人之喀爾喀等照青海例編旗分為佐領添設札薩克等分駐勦滅逆賊舊地願歸本處者聽其自便則青海之勢可分而喀爾喀臺吉等無不感恩報效

一西番人等宜屬內地管轄也

查陝西之甘州涼州莊浪西甯河州四川之松潘打箭鏢裏塘巴塘雲南之中甸等處皆係西番人等居住牧

養之地自明以來失其撫治之道或為喇嘛耕地或為青海屬人交納租稅惟知有蒙古而不知有廳衛營伍官員今西番盡歸仁化即係內地良民應相度地方添設衛所以便撫治將番人心服之頭目給與土司千百戶土司巡檢等職銜分管仍令附近道廳及添設衛所官員管轄其應納糧草較從前數目請略減少以示寬大至近邊居住帳房逐水

草遊牧者仍
准照舊游牧

一 青海等處宜加約束也

查青海巴爾喀木藏危乃唐古特四大部落願實汗占據此地以青海地面寬大可以牧養牲畜喀木地方人衆最多遂將伊子察分居此二處伊則在青海游牧居住喀木地方爲伊等納貢藏危二處從前施結爲遊牧喇嘛喇嘛香火今因青海叛逆取此一帶地方交四川雲南官員管理達願喇嘛向差人赴打箭爐貿易每馱向又木多乍了巴塘裏塘居住喇嘛索取銀兩名爲較租向打箭爐始行納稅請飭達賴喇嘛等不准收受較租並飭打箭爐收租官員亦免其納稅再每年請賞給達賴喇嘛茶葉五十斤班禪喇嘛喇嘛茶

一 喇嘛廟宇宜定例稽查也

查西甯各喇嘛多者二三千少者五六百遂成藏塔納汚之地番民納喇嘛租稅與納貢無異喇嘛復私藏鎗甲器械庫下歲并津侵犯時喇嘛等帶領番民與大兵抗衡今臣於塔兒寺喇嘛內之老成者揀選三百名給與大將軍印信執照諭令學習清規請嗣後定例寺廟之房不得建二百間喇嘛多者三百人少者十數人仍每年稽查二次令首領喇嘛且給存檔至番民之糧俱交地方官管理每年量各喇嘛用度給發再加給喇嘛衣服銀兩庶可分別賢否地方官得以稽察

一 邊防宜嚴界限也

查邊外自黃河入中國之處至於河州西甯蘭州中衛甯夏榆林莊浪甘肅等處其間水草甚佳林麓茂密乃塞此不守以致蒙古

等占據大草灘之地將常習劫為牧廠是以各處相通竟無阻礙請於西甯之北川邊外上下白魯之處自巴爾托海至屬都口一帶地方創修邊牆築建城堡則西番人等無行據據之區悉成內地又屬州之西梳來河常馬爾鄂致他拉等處俱膏腴之地應令民人耕種布隆吉爾地方修城駐兵之後可漸至富饒至甯夏險地無過於黃山順實汗之諸孫及額駙阿保等向在山後居住游牧今竟移主山前請令阿保等嚴飭所屬仍舊黃山後居住游牧則山前營盤水長流水等處俱為內地

一 甘肅等處宜添設官弁也

查甘肅西甯疆界相連應於此二處設立營汛至西甯巴爾虎等處自古原係內地後竟棄為塞外蒙古等至西甯

嘴斯等處於此處經過應速取回於新設邊內大通河設立總兵一員兵三千名管轄中左右三營於大通南邊設立參將一員兵八百名大通北邊設立游擊一員兵八百名邊地地方設立副將一員及左右都司二營兵一千六百名四川邊外丹噶爾斯地方移領海營參將駐紮兵一千名拉科爾門等處各設守備一員兵二百五十名恆鈴子地方移南川守備駐紮兵五百名南川舊營留千總一員兵一百名至西甯地方宜改設同知移西甯通判駐紮密池辦理稅務再河州保安堡應設游擊一員千把總各一員兵四百名無他處應添設把總一員兵二百名俱隸西甯總兵總兵管轄則蒙古等不敢覬覦番民等亦有所依仗

一 打箭爐等處亦宜添設官弁也

查青海既已平定應將巴爾喀木處人等悉行收集除羅隆宗之東又木多乍了地方俱隸胡土克圖轄

管外其餘番眾頭目俱應給與印信執照與內地土司一體保障打箭爐之外木雅吉達地方應設總兵游守千總等官兵二千名雅龍江中渡處設守備一員千總二員兵五百

名裏塘巴塘之吹音等處設守備一員兵二百名裏塘地處四衝應設副將一員都司一員兵一千二百名鄂洛地方各路咽喉應設參將一員兵六百名巴塘係形勝要地應設游擊一員兵五百名宗都地當南孔道應設參將一員兵一千名俱令新設之總兵統轄以爲雲南四川兩省聲援又青海所屬左格等處番人應亟移於內地再阿巴之土司頭目羅丹柱等帶兵進勦屢次建功應給與安撫司職銜不隸青海管轄又黃勝關外潘州舊城應設游擊一員兵六百名河巴地方山河南繞應設副將一員都司一員兵一千五百名黃河兩邊渡口應設守備一員兵二百名悉隸松潘總兵統轄裏塘添設同知一員令其管理兵糧收納番民貢賦則南主滇省北至陝省俱可援助

邊地弁兵宜歸併裁汰也 查西甯地方設立總兵留兵四千即可敷用應裁五百名歸併於大通鎮屬甘涼莊漢等處其餘營汛兵丁可裁一

千名甯夏既添駐滿兵其綠營兵丁亦可裁汰一千改爲四營將後營游守千把等員補入大通鎮標四川重慶川北二鎮應改設副將都司守備千把等員裁汰總兵官二員游擊六員道義夔州兩協游擊各二員亦行裁汰化林副將一員額兵一千名應改爲游擊一員留兵五百名

一 邊內地地方宜開墾屯種也 查西甯邊疆內俱屬可耕之田布隆吉爾地方見在修築城垣請將直隸山西河南山東陝西五省軍罪人犯盡行

發往大通布隆吉爾等處令其開墾

一番人部落宜加撫綏也 今兵事已竣臣等遵旨回西安辦理三省事務暫令甯威將軍岳鍾琪統轄西甯留兵四千聽其管束其撫遠大將軍印

信見今策妄阿刺布坦遣使請罪應俟繳回各路將軍時臣即行恭繳收貯內庫再甘州地方黃番各部將乘此軍威收聚撫綏亦可播樂青海臣同岳鍾琪會商俟七八月馬匹肥壯時親率兵丁由西寧口外到甘州地方招撫番民

又奏請禁約青海十二事一朝見進貢定有限期一不准自稱盟長一番子唐古特人等不許擅聚一喀爾喀輝特圖爾古特部落不許青海占為屬下一編設佐領不可抗違一內外貿易定地限時一背負恩澤必行割滅一內地差遣官員不論品級大小若肆諭旨王公等俱行跪接其餘相見俱行賓主禮一格守分地不許強占一差員商賈往過不許搶掠一父歿不許娶繼母及強娶兄弟之婦一察罕諾們汗喇嘛廟內不得妄聚議事經王大臣議奏交易之期定為四季大通河地方不必發遣犯人餘均如所請

高宗丙辰乾隆元年春正月癸丑免甘肅貧民所借口糧籽種

承辦軍需急公踴躍其屬可嘉皇考屢沛恩膏朕亦深加體恤上年聞有缺雨歉收之州縣已諭該督加意撫綏務令貧民得所除散賑米穀外所有借給口糧籽種之類例應秋收徵還者著悉行賞給免其還項該督撫可通行曉諭並飭有司實力奉行毋使得吏士棍侵蝕中飽

署總督劉於義奏巡撫許容賑濟固原環縣貧民

是月蘭州巡撫許容奏請聖安上諭曰朕安據劉於義奏汝賑濟固環等處貧民大口日給米三合小口日給米二合不敷度日難以充飢目下窮民尙復逃散四出等語汝為地方大員既不能先事豫防於前又不能竭力賑救於後而且一經奏

報遂謂了事恐甘省之災荒二字再入朕耳如此輕視民命為民父母之謂何汝意固為國家惜帑乎夫民之元氣乃國家之根本也傳曰百姓足君孰與不足豈汝未之聞乎

以甘涼西肅安西兵換防哈密 署甯遠大將軍查那阿奏巴里坤大兵撤後請仍於哈密駐兵五千大兵出征數年不便再行留駐應於甘涼

西肅安西各提鎮兵內派出更換布隆吉赤靖等處應分駐五千於內地標營兵內輪班派往安西鎮營向有分防況守加以肅州甘涼原設職兵及分駐涼莊滿兵以之接應口外兵力已屬寬裕原不在安西防兵之多寡俟數年後邊界大定或應量減則將布隆吉赤靖等處防兵陸續裁撤哈密距安西甚遠不可無重兵彈壓此五千兵應永遠分駐以靖邊

秋八月戊寅增廣陝甘武舉中額 上諭總理事務王大臣曰陝甘之人長於武事其人材之壯健弓馬之嫻熟較他省為優向來武闈鄉試

中額每省各四十名應試之人每以限於額數不能多取其如何量行廣額之處著該部議奏

冬十一月辛丑賑濟甯夏府屬新渠寶豐等縣 署督劉於義奏稱甯夏府屬之甯夏新渠寶豐等縣今夏雨水甚多黃河

泛漲以致衝決隄岸淹浸民田臣已動支社倉公用銀糧加意賑恤念此被災人民今冬明春口糧或有缺乏准布政使詳議甯夏縣之何忠堡新渠縣之通吉通義通利清水等堡被災偏重酌借六箇月口糧甯夏縣之王澄堡及寶豐縣之紅岡永潤等堡被災較輕酌借三箇月口糧俟來年收成之後催徵還項奉諭諭子惠元元一夫不獲實知已濟已

亂而於甘肅民人歷年奉公尤深軫念茲覽制於義奏報甯夏被水等壘秋成歉薄民食艱難所當加意撫綏者著將各該處細徵糧石確查豁免所借六箇月三箇月口糧俱准抵作賑給之項免其來歲交還該督撫可出示通行曉諭並飭有司實力奉行務令小民均沾實惠

案東華錄載乾隆三年春三月丙寅諭內閣據元展成奏稱甯夏府屬之寶豐新渠二縣前奉恩旨將雍正十二年以前民欠豁免緣兩縣民戶已將應完十三年之正糧儘納十二年之舊欠是以復欠十三年之額徵銀三萬兩有奇現在設法催徵而民力維艱等語朕思兩邑招墾新戶安業未久所欠十三年額賦既因儘納舊欠致虧正額今又新舊並徵未免拮据朕心深為憫念特格外加恩將雍正十三年以前舊欠悉行豁免其乾隆元二兩年有未完正額錢糧著分作十年帶徵以紓民力

案新渠縣城舊灘地其北有田州塔雍正四年建縣城周四里一分高二丈六尺池深六尺闊七尺開南北二門南曰錫福北曰納秀鼓樓一座東曰就日西曰瞻雲南曰呈祥北曰覽勝寶豐縣亦係新設見

雍正四年今俱裁併平羅縣

丁巳年以旗兵駐防涼州及莊浪 山京移置計設副都統協領佐領防禦驍騎校二等輕車都尉三等輕車都尉騎都尉雲騎尉八品筆帖

式全俸告休協領全俸告休佐領全俸告休防禦領催其兵則有前鋒馬甲礮兵養育兵終身半餉寡婦週年半餉寡婦同年又安設滿營於莊浪莊浪者平番別名也計設城守尉佐領防禦驍騎校九品筆帖式雲騎尉半俸告休佐領領催其兵則有前鋒馬甲礮下

午戊三年夏六月甘肅巡撫元展成奏請移臨洮府於蘭州從之
甘肅省會城建在蘭州有廳州而無

郡縣較之他省規模殊未盡一前巡撫許容題請臨洮府移駐省城時因臨洮地近河州外通河曲必須知府大員就近控御總督查邱阿議停止在案已河州設有重鎮無須

知府彈壓至是巡撫元展成請將臨洮府知府移駐省城原轄之金河渭三州縣及移駐蘭城之縣俱移駐蘭城之府管轄其府州縣所屬之經歷州判吏目與史等官俱隨府

州縣移駐蘭州屬之蕨塘驛丞原係蘭境驛路應隸移駐之縣管轄此特易地經理錢糧訟獄及一切公務俱無庸增減紛更一轉移間殊多便益七月十五日交部議奏嗣經

會議均應如所請

案明置蘭州衛僅設知州及判官學正訓導吏目各官清因明舊置蘭州衛稱蘭州雍正三年衛廢州名如故乾隆三年移臨洮府來治於是始改蘭州為皋蘭縣至蘭州府署係

舊錢局所改建民國初知府裁改為道省警務處現為新編第一軍辦公處

授青海喀爾喀族 在青海 達什博多布公中札薩克為一等臺吉 先是雍正元年 羅卜藏丹津青

青海喀爾喀諸臺吉附已諾克爾爾德尼阿海從子根博迎大軍降王大臣議青海之喀爾喀請別設旗分佐領勿隸和碩特族允之三年授根博公中札薩克一等臺吉未幾以

嗜酒且與本部諸臺吉隙不任札薩克職罷之命往就通諛克牧至是帝以喀爾喀聚青海不忍令析處授達什博多布公中札薩克一等臺吉四十七年詔仍以公中議

青海蒙古爾津族被郭羅克賊番搶掠

郭羅克果
洛番也

慕善祺曰果洛番在青海之南與四川接壤民國初屢劫行商道途為梗青海長官曉以大義不聽九年青海出兵征之客有從事戎軒者歸而為余言曰昔人有經無不論之國者入其境山剗削而乃穢水奔澗而毒毒其人則瀟灑無心其物則皆蕚無幹又有腥臊穢濁之氣充衍於四時既而悔曰吾何為涉此地而見是山是水是人而物是氣也既而痛曰吾不涉於此地則何以知世之有是山是水是人而物是氣也吾遊果洛其山水人物與夫氣變斯真無不論之陋劣矣今幸大軍凱旋求仁審之巖處之掘功德之泉飲之擇空榻之人爰之作陶丘之器庸之又時吐納沈澀清淳之氣以滌盪腸胃噫是何言之過也果洛特未同化耳再聞數十寒暑安知夷俗之不可轉移耶

夜多十一月甯夏地大震

從西北至東南平羅及郡城尤甚東南村堡漸滅地如畫墮土皆墳起平羅北新渠寶豐二縣地多斥裂寬數尺或盈丈

水湧溢其氣皆熱淹沒村堡三縣地城垣堦墻屋舍盡倒壓死官民男婦五萬餘人

案甯夏府志震災後帝命侍郎班第查辦賑恤一切事宜陳奏奉旨凡被壓身故民人大口每民給埋葬銀二兩小口每名給埋葬銀七錢五分無主人口官與埋葬共費帑銀六萬五百餘兩現在人口散給口糧外有兩口者給房一間三口者給房兩間五口者給房三間多者照例遞增每間給房價銀二兩靈州被災輕者每間給房價銀一兩共費帑銀二十九萬七千餘兩民家牛隻有被災傷斃者每戶給牛價八兩分四年帶徵還項滿漢官兵被壓身故者照巡洋被風例賞卹

己未四年春二月建泉蘭縣縣丞署於寬溝

舉蘭縣屬之北鄉如紅水永泰寬溝鎮房四堡距城二百五六十里至五百餘里不

等界連涼甯鞏三府大牙相錯官則稽查不易民亦趨赴維難往返七八百里於政治上不無障礙乾隆三年甘肅巡撫元展成奏請移臨洮府於省城並請於城北各堡適中之

寬溝添設皋蘭縣縣丞一員今其就近稽查四堡之保甲逃人匪竊賭博關殿等事從之是年改寬溝堡舊參將署為縣丞署開始辦公民稱便

秋八月西甯道僉事楊應琚設城關糧麵市

西甯向無糧麵市各歲於家一城之中價值互異買者固被抑勒而自鄉負糧

麵來者亦受要截惟窩囤者專其利焉至是應琚飭西甯縣知縣靳夢麟在豐泰街建鋪數十楹東至學街口西至學街牌坊止西至縣門街口止以為儲糧貯麵交易之所此市之在城中者也其東關糧麵上市自史家大店起至榮家牌樓止糧麵下市自東稍門起至西納牌樓止自此糧價不二買者售者稱便焉

是歲西甯道僉事楊應琚請仍循貴德民兵舊制報可

先是明洪武十三年修築貴德土城工竣因所地土

著多係羌戎故撥河州民四十八戶遷之臨城近地給與田以免其稅糧資以城守乃高兵於農之意清因之雍正元年青海蒙古謀逆勾通貴德生番其防守城池城隍廟崇奉大得民兵之力統兵大將軍曾領花紅茶布以獎勵之後以生番繁衍官吏請將因城隍廟裁去民兵至是應琚率同西甯府知府申慶親至其地見官兵數少生番蕃繁遂可貴彈丸黑子之賦稅而毀數百年已效之章和矣三選其一勝兵得一千二百九十四名捐給旗纛詳請兩臺奏明仍循舊制以應後官者其并將民兵分爲三哨設民千把總十一

員以統領之缺監司選補其戎器器械所餘農隙
所官與... 公同訓練不得瑣屑致誤其業制曰可

庚申 五年管川陝總督大學士查郎阿添設西甯巴燕戎等八營堡
查郎阿據奏

阿拉庫托亦雜石扎什巴康家寨甘都堂卽思越千戶莊八營堡共設馬步兵一千九十
名內馬戰兵四百五十名步戰兵六百四十名其所添兵丁在於標路七九兩年增添新

兵內撥往駐劄將巴噶營改設守備游擊千總移住巴燕戎巴噶營改設
守備一員把總一員留兵二百名內馬戰兵六十名守兵一百四十名

案巴燕戎卽今青海化隆縣阿拉庫托城在西甯縣西一百五十里地近日月山為行商
往來要區亦雜石城在西甯縣南一百六十里地控諸番南通貴德扎什巴堡在故巴戎

縣西六十里地勢與阿拉庫托同康家寨堡在貴德縣東一百九十里甘都堂堡在故巴
戎縣東南六十里地濱大河生番出沒思越堡在西甯縣東一百二十里千戶莊堡在

西甯縣南一百二十里皆屬今青海省此八營堡皆西甯道僉事
楊應琚所籌畫乾隆三四年次第築城至是查朗阿始行奏聞

辛酉 六年夏四月秦鞏饑民就食成縣
時成縣歲收亦薄秦州隴西之逃亡者以甚近也
而趨之以致糧價日昂知縣黃泳恐主客之交困

也乃設廠煮粥以食之其染時疫者復親為診視
給藥療治匝兩月聞秦鞏秋禾已熟資送歸里

慕壽祺曰余遊成縣見郭外有稻田焉詢之父老皆曰吾邑素不種稻清乾隆初縣令黃
泳蒞成後引東南河水築隄防以灌田慮其土之不宜稻也因以身先之就地之低窪聚

乾隆七年春成
縣民食亦缺泳
借穀外復捐糜
設粥廠全活頗
衆
明萬曆時成縣
知縣王三錫勸
民紡績自是以

廣外車七
爲利甚溥

水者膏田十餘畝買牛於漢中取種於四川以時播種以時耘澆迨秋成而收穫不亞東南惟地稍寒栽收宜早耳然則地利之振興亦視人力爲何如耳

癸亥八年春省政府飭令甘肅各州縣將境內有案舊賊設簿點卯將欲拘束防閑不使放逸清盜

原而安良善法至美意至良也省外各州縣將向來有案舊賊設立冊簿註明犯事緣由每逢朔望日期按照點查并取具各該鄉保隣佑加意防範毋許出外爲匪甘結存案案

安縣切實奉行立收成效

案乾隆九年十二月十二日案安縣知縣牛運震呈報縣民張世儲之子張漢卿被竊拒捕北傷身死一案略謂卓縣舊賊共二十餘人內花湫溝回民乃有十五六人卑職聞飭

令該管鄉約拿獲每管舊賊一名發給印簿一本挨編日期註明該犯曾否出外有無事故等由每逢朔期連簿送閱以憑稽查并於點之時將該犯等年貌服色暗加記錄以備

參考行之二年未曾有懈因而卑縣盜竊等案漸以稀少前於九年十二月十四日據卑縣縣民張世儲首明伊子漢卿被賊拒捕扎傷等情到案并首明賊人丟遺白羊皮帽一

頂黃小夾襖一件藍裏肚一件卑職細思白羊皮帽黃小夾襖查係回民穿戴之物隨即

遣差赴捕在於西北一路挨查隨緝復差幹役陳仁等迅赴乾城溝地方挨查舊賊有無

出外并照依賊人丟遺皮帽夾襖等物及問得庫有無出外隨據鄉佑供稱該犯於二

十一日喚同鄉登魁前往太平嶺地方等語重二十一日即張世儲家失事之前一日而

太平嶺嶺係張家山附近地方日期地方無相尋捕前該犯等形迹出入實屬可疑據

新書補考在門津波時代 清高宗

蘭州俊華印書館印

役等物無一不備... 身衣... 常... 將... 審... 該... 而... 內... 東... 馬... 得... 庫... 一... 事... 行... 之... 已... 見... 成... 效...

甲子 九年改臨洮道為蘭州道

初明景泰六年蘭州建臨洮道署旋改為察院嘉靖十八年改為臨洮道清初因明舊制時甘肅巡撫駐甘州肅州

夏... 五年... 後... 為... 案... 分... 原... 司... 副... 使... 或... 兼... 事... 分... 司... 諸... 道... 至... 清... 僅... 設... 七... 道... 民... 國... 初... 蘭... 州... 道... 改... 為... 蘭... 山... 道... 擬... 移... 駐... 狄... 道... 州... 未...

夏... 五年... 後... 為... 案... 分... 原... 司... 副... 使... 或... 兼... 事... 分... 司... 諸... 道... 至... 清... 僅... 設... 七... 道... 民... 國... 初... 蘭... 州... 道... 改... 為... 蘭... 山... 道... 擬... 移... 駐... 狄... 道... 州... 未...

夏... 五年... 後... 為... 案... 分... 原... 司... 副... 使... 或... 兼... 事... 分... 司... 諸... 道... 至... 清... 僅... 設... 七... 道... 民... 國... 初... 蘭... 州... 道... 改... 為... 蘭... 山... 道... 擬... 移... 駐... 狄... 道... 州... 未...

夏... 五年... 後... 為... 案... 分... 原... 司... 副... 使... 或... 兼... 事... 分... 司... 諸... 道... 至... 清... 僅... 設... 七... 道... 民... 國... 初... 蘭... 州... 道... 改... 為... 蘭... 山... 道... 擬... 移... 駐... 狄... 道... 州... 未...

果後廢道署改
為財政廳署

改甘山道為甘肅道移駐肅州

初明設西甯道駐涼州清初因之康熙二年改設涼莊道又有甘山道駐某甘州至是改為甘肅道以甘州府

歸肅州道管轄故也三十七年又改為安肅道兼轄關外安西州其甘州府另歸甘涼道管轄蓋涼莊道同時改為甘涼道仍駐涼州府

丑乙 十年西甯樓伯縣所轄蘇只工等莊撤拉回民撥歸擺羊戎通判管理

甘都

蘇只工蘇胡家莊在甘都堂城東南二里阿哈日莊在甘都堂城東南四里阿路莊在甘都堂城東南五里原係河州廳撤喇回民河州廳者河州水利同知駐循化營故稱河州廳蘇只工等莊撤回向駐循化乾隆五年撥歸樓伯縣管轄至是分隸擺羊戎通判管理擺羊戎即巴燕戎三十四年改今名甘都堂堡在巴燕戎格廳東南六十里

丙 十一年夏四月平番縣鹹水河新渠工竣

先是甘肅布按二司奉總督黃廷桂檄飭酌定州縣教養及應舉應奉事宜十

二條以興修水利為先適秦安縣知縣牛運震調任平番經過鹹水河見農民正在灌畝布哇種田禾業經變瘠為沃秋收可望惟鹹水河舊有壅柴并距野狐城二十餘里非徒事涸疏難資灌溉乃將梨夫大為獎勵既借以權復捐以俸俾將舊渠再為修理寬濶務垂久遠共享樂利經之費之庶民子來至是告厥成功名曰新渠又於沿渠上下勸種楊柳樹三百株以為

其谷勤却民
植培原深
植每用成
承改變事
朝開之遠
其姓字者
天賦星列
成爲膏腴
廣之力地

嘉壽賦曰余過鹹水河見道旁有重立平番令牛侯字階平山東滋陽人雍正癸丑進士開新渠

碑銘讀之殆武成張澍作也略謂侯深知地防善講水庸冒土陳溫慶之書

焉流做河渠之志固已澤被允漢縣屬金城郡在皋蘭縣西與平番鄰人歌國備矣當有碑其

詞浮俚不足以詡揚盛德鄉人上丐余文以述之用感南陽思召父之謠元

康樹劉靖之碣追據實政垂示方來嗚呼足以傳矣

冬十月西甯所屬社會成立西甯逼介青海歲僅一收益以路通準夷達西城凡討伐之師多由西南一線而往故積貯尤急於他郡乾隆四年

楊應琚任西甯道僉事蒞任之始倉糧僅四千石而社穀無顆粒蓋連年用兵社會所儲

擲作軍糧之用應琚再四籌思欲官倉裕而民困蘇非力行社會不可遂與知府申夢璽

知縣王鶴礪伯縣知縣徐志丙大通衛守備孫捷謀協決意為之時乾隆五年也由是官

捐倡始勸民量輸至七年規模粗定巡撫黃廷桂聞而嘉之並許此次社會存糧即有軍
需亦不奪顆粒官民益踴躍輸將數年以來歲獲連熟天時人事相輔而成是歲終西甯
社糧以石計凡四千六百有九分貯諸鄉一十五所碾邑社糧六千四百五十有六分貯
諸鄉十所大通衛社糧二千八百有四諸鄉以四所分貯貴德所社糧五百一十有五地
狹而咸貯於城五年經營四屬貯社糧一萬三千六百六十四石孰謂古人之制不宜施

於今日耶

慕壽祺曰西甯百姓春耕之時多借子粒於官倉既借矣或秋收歉薄即無力填倉次歲又須稱貸如此數年民愈困而官倉亦空矣楊應璩力行朱子之法社倉成立後小民春耕子粒皆取之社倉而官庾積貯方得充裕公私兩便其斯之謂乎倫無軍事發生歲而益之其利豈有既耶

丁卯十一月秋九月固原兵變平番縣知縣牛運震說而平之

當固原兵變時副提督載門且肆略甘肅

總督陝西巡撫戚集平江知縣牛運震承督撫問方略乃請勿以兵往但遣屯城外為聲援而自入城擗三寸舌為之指陳大義變兵泥首聽命令縛首亂者出獄具斬三人監候四人餘予徒杖有差上官益才之列名疏薦為忌者所中據運震曾受萬民衣劫免其官先是平番縣五道峴苦飢運震捐粟二百石賑之民感其惠戶出一錢製衣一襲書為民姓名於其上非其盛德孰從而送之而忌者即以此羅織上官不察會皇入奏亦已過矣

慕壽祺曰牛運震學問淵博著述名家少與同學生胡天游論古最相得乾隆元年舉博學宏詞不遇選案安縣十年春調平番政事一以經術飾吏治嘗自拈其作吏之訣曰儉簡檢儉也者用儉養廉所謂以約失之者鮮不虧空不貪婪之本也簡者不拘官體不聽吏例不信俗諺不任己見無日不與百姓相見差與之齊而訊其苦但求一切便民而已儉者天有理人有情吏部有處分上司有限期胥役有奸弊得一錢乙諸簡施一杖榜諸册今日去官倉庫不畏下任明日還鄉心跡可告朋友也此次固原兵變運震以文弱書

生憑三寸舌入虎狼之窟傳戰禍消滅於無形有如此才竟為忌者所陷甘肅可謂別有天地矣夫運震官甘十年而無一錢及其罷官而去也適從同官丐貸數百金始得以歸今之縣長視中甫數月而腰纏已滿十萬貫聞此能無慚哉

以陳宏護署陝甘總督

宏護字汝咨號榕門廣西甯桂人為諸生時即以經世為己任已署陝甘總督以農桑為先務凡書院義學社會育嬰養濟諸

事必計及久遠嘗言是非審之於己毀譽聽之於人得失安之於數三者缺一不可張越玉謂其能以民心為己心視官事如家事此可規其所學所著有養正教女訓俗從政學仕各遺規在官法行錄等書卒諡文恭

辰戌十二年後開回民馬應煥赴京控馬來遲邪教惑眾

回教一而已矣所傳天經三十本云出自唐時其祖

師馬哈喇所為回民世守之至乾隆初年而河州回民始有前開後開之異前開者先開齋而後禮拜也後開者先禮拜而後開齋也其始不知何時然教遂至是分而為二前開之教簡而便趨之者眾順其異者節目之不同耳無二經也馬來遲者河州之前開回民也始為冥沙經蓋纂輯天經為之回民吉凶之事必請阿渾誦經謝以銀錢謂之布施阿渾者掌教之名也順經則人眾而費廣冥沙經一册既簡而省費又新其耳目一時翕然從之前開之教愈盛然其意以巧取布施而已無他志也至是後開回民馬應煥赴京控馬來遲邪教惑眾經甘肅巡撫黃善題將馬應煥依誣告律反坐從重照衝突儀杖例問擬充軍並議令前開後開各遵祖教遇有喪事不許一起延誦兩造念經致滋事端飭遵

在案馬來運與其子國寶遂往來行教韓哈濟者撒喇十二世傳之總教也師事之於是十二世皆前開之教矣馬明心者安定縣之蘭川回民也羨馬來運之得利學其所為別業一經名曰卯路略異其節目更簡二十六年始來撒喇撒喇回民賀麻路乎蘇四十三延於其家拜為師從之者寔衆遂別為新教而以前開之教為老教然皆非回民自古相傳之舊也新教之異念經時則搖頭念畢則要拳舞手其死而葬之也以足踏墳視其升天入地之別大略不過如此然佐之以邪術入教者每食皆能斃數人又主死不變且新教富而老教貧入其教者皆有周濟人情貪利附之者愈衆反盛於馬來運之教於是爭端起矣二十七年馬明清與馬國寶相遇於撒喇以講經不同致訟游擊馬某遂該回各回原籍不許在番地一舉而賀麻路乎等與韓哈濟等各為爭教不和賀麻路乎始於張哈工禮拜寺殿旁另畫一圖為禮拜之所繼遂自創三寺率其黨自行禮拜三十四年韓哈濟以賀麻路乎不遵教規具控前同知張春芳將三新寺暫封閉俟兩造和悅之日再開并抽資賀麻路乎賀麻路乎不甘遂以邪教控韓哈濟於臬司而哈濟之弟韓五亦以邪教訴賀麻路乎經蘭州府同河州循化廳訊詳臬司轉詳總督題奏各依惡告反坐賀麻路乎以首事從衆發往烏魯木齊給兵丁為奴韓五流三千里議明兩教既不聯合一亦不必強之使合各舉掌教約束稽查新立三寺仍聽分開禮拜其馬明心馬國寶等皆不究

案封建制度久已廢除而西藏之呼圖克圖甘肅之回教門官雖然一封建制也回教入居甘肅自唐始撒拉曼延循化自明始回族掌教之稱門官則自河州狄道始其在河州八方者曰花寺其在河州大東鄉者曰白莊其在河州之太子寺者曰紅門其在狄道三甲集等處者曰換佛塔此四處者皆舊門官其掌教也所謂門官者猶漢人之稱

官門也其初創教之人傳之子孫繼繼繼繼以至今日教下人概尊之曰老人家對於老
人家命令服從惟謹雖令之死亦所甘心焉明心自西域回慨然欲革除門官制度意謂
道者公也豈為一家私有教規者隨時變通者也不宜膠柱鼓瑟乃就心所得而口欲言
者廣為宣傳又恐河狄各門官之舉起而攻也利用撒拉回之強悍而引為羽翼撒拉集
拜其教爭為信徒河狄各門官聞之以其於老教有不同處遂議
之曰新教地方官處置不善致釀成乾隆四十六九兩年之戰事

安置肅州金塔寺之吐魯番回衆告飢

論曰甘肅金塔寺安置吐魯番回人不服
水土至生計艱窘者百餘戶經大臣等議奏

請徙哈密令種地居住此項回衆向被準噶爾凌虐願徙入內地迄今二十餘年因水土
與宜積蓄者少窘迫者多若將伊等徙於他處究恐生計有損哈密吐魯番雖部落多殊
其教則一情性相宜且哈密貝子玉素卜自伊曾祖額貝都拉建爾漢伯克來數世受國
恩澤竭誠報效奮勉急公教養所屬之人亦甚妥協現在哈密地方尙有可耕餘地著將
安置金塔寺回衆交貝子玉素卜併入伊所屬旗分佐領加意撫恤令新舊回衆
和睦如一給地耕種以傳永久不致失所即以此諭札薩克貝子玉素卜知之

己巳 四年始設陝甘總督駐陝西省城

甘肅省向設巡撫歸川陝總督節制至是改
設陝甘總督駐紮西安又於十九年因西路

軍需移駐肅州總督於乾隆十九年復
移駐蘭州裁去甘肅巡撫歸總督兼管

庚午 十五年改火器營為督標建威營

先是康熙三十二年分火器營為左右二營三
十八年併火器左右二營為火器營至是歸督

標中軍副
將統轄

辛未十六年以西甯道命事楊應璠為甘肅使司布政使

先是明設分巡西甯道駐涼州分守西甯道駐甘肅

洪治初專設撫治西甯兵備道駐西甯城內清因明制康熙五十二年楊宗仁任撫治西甯道宗仁漢軍奉天正白旗人應璠之祖也以政聲遷浙江按察司後陟湖廣總督後二十年而應璠任西甯道命事時雍正十一年也甫一年去乾隆元年再任初西甯文武生童皆就學院於臨洮或涼州應璠創建貢院中請提學臨試寒士得免跋涉重建澤宮名宦鄉賢各祠增修小峽口橋橋請設城堡九處派官兵分守諸番帖耳居民行旅便之賑濟伯繼築惠民橋行朱子社倉法設各屬義學復於公餘纂修西甯志四十卷在任十六年事事繩其祖武至是升任甘肅二十四年補授甘肅總督

甲戌十九年以劉統勳任陝甘總督

統勳字延清山東諸城人文章經濟彪炳一時為政持大體不事煩刻於民事雖細微必體察務遂其情

乙亥二十年以方觀承署陝甘總督

觀承字宜田安徽桐城人父式濟進士以事謫戍觀承歲省親塞外每徒行日百餘里於其間勵志氣勤

問學具知南北阨塞及民情土俗所宜設施乾隆二十年署陝甘總督以養民為政而不擾民尤盡心於農田水利倉儲諸務明年命赴哈密籌辦軍餉馬匹後還直督率體恪敏

巡撫吳達善派員重修關外打坂道路

出嘉峪關數日程臨大漠之野沙石礧礧極平無堪蓋占瀚海也西去則巖嶺崢嶸趨衍

荒外而打坂徑介乎哈密巴里坤之交傳車郵符旁午絡繹為往來孔道雍正間經始開
鑿久而崩崖塞實斷木連蹊行旅踟躕多阻至是吳達壽委員督兵修理展拓盤徑
八十餘層建造橋梁七十餘所開引水道堅築遮堤旬
月之間大工遂竣又慮雪壅阻滯留兵汛掃往回護送

案清初設整飭安西等處地方公巡兵備道總理哈密 今新疆哈密縣巴里坤 舊為甘肅

鎮西糧餉事務轄安西同知 今改安西縣 靖逆通判管安西沙州 今敦煌縣柳溝 即漢灃

在安西縣東靖逆 後改玉門縣 赤金 即赤斤蒙古衛 五衛乾隆二十二年海虞錢糧兵

備安西撰重修打坂徑碑

丙子二十一年置普濟堂棲流所於蘭州 甘省天氣苦寒土地磽瘠每當嚴寒凝沍時其焚焚失業之人顯連蕩析而棲泊無所者

往往不免又以孤兒寡婦情屬可憐至是蘭州府知府呈請布政使於蘭州官園設普濟
院一處收養孤貧每名月支口糧銀一分冬月每名又支布花銀三錢五分零又設棲流
所一處凡顯連蕩析悉收養之先是二十年甘肅布政使馬德知府歐陽永禧同六屬州
縣及茶當商共捐銀三千八百兩以八百五十兩置買河北十里店田地一處歲取佃租
銀百兩餘交茶當商分領一分行息以為收養往來行旅及本地無業貧民之資不限名
額嗣因田地被水冲壞佃戶欠租公項無著道光七年皋蘭縣知縣陳士禎詳明將地出

售獲銀一千九百二十兩除補還原價外又撥銀二百兩共成四千兩俱交茶當商行息以資歲支餘銀八百七十兩以為歲修興路及黃河渡船之費同治軍興後均歸無著

春二月庚申諭陝甘總督黃廷桂綠旗各營公私借款免其扣抵

值兵銀也

丁丑二十二年夏六月壬戌諭免甘肅通省本年應征地丁錢糧

諭內閣甘肅地方承辦軍需小民愈

公趨事甚屬勤勞屢降旨將該省歷年積欠並承辦之甘涼肅三府安西五衛皋蘭一縣本年應徵地丁錢糧米豆草束概予蠲免但現在軍務未竣該省為總彙之地小民出力尤多朕心時切軫念著將甘肅通省乾隆二十三年應徵地丁錢糧加恩概予豁免該督撫等其督率屬員豫行出示曉諭實心查辦毋任不肖官吏從中舞弊用副朕優恤民格外施恩之至意

是年移狄道州州判駐沙泥驛

是為沙泥站州判北魏為勇田縣北周廢入狄道宋為隴洮堡屬鳳州清初為狄道州州判至是移駐沙泥驛

兼司水利今改為洮沙縣在甘肅省城正南一百二十里

戊寅二十二年夏甘肅蘭涼等處天久不雨

六月庚申帝諭軍機大臣等據吳達等奏稱甘省大勢缺雨其杖徒以下等罪可否

亦照直隸清理刑獄之例酌減辦理等語已於前內批云清理刑獄亦屬新求兩端之一端今甘肅涼州等屬未得透雨而涇州高臺數州屬又有被災之處邊省貧民深為軫念

雖該省額年額賦悉已加恩豁免若秋成未能接濟則應行撫恤之事不可不慮為籌畫
實夏一帶乘稱產米之區價值較他處必當平減其應如何設法採購為末兩關之
計務宜作速部署以備隨時酌量賑濟庶幾
熾得實惠將此詳悉傳諭免違奉知之

秋巡撫吳達善奏請築蘭州城北隄岸從之

先是乾隆三年巡撫元展成築濱河石
堤里餘至是達善奏蘭州北隄黃河水

勢南徙石岸衝刷請建大小挑水板壩七座並對岸沙灘開挖引河一道從之五十六年
總督勒保重修石堤四百一十七丈增設水壩十八座嘉慶十五年道光四年總督那蘇圖

成十八年總督瑚松額二十八年總督布彥奏屢加修理
同治二年護總督恩麟濬外壕六年署總督德馨再濬

案蘭州城北晏公廟前河岸下舊堆壘頑巨石者千官置之以禦狂瀾壘岸者蓋此處沙
賴土鬆本易崩潰又當金城關下怒浪斜衝之勢若無此石城受其衝蓄久矣古人用
主深主遠乃邇來數十年中愚民竊取幾盡凡墳墓寺廟碑跌其有不施
琢惟存木質者皆是也必當嚴緝取之禁復古人之舊乃於河岸有所裨益

乙卯 一二十四年春以楊應琚補授甘肅總督陝西提鎮營務並總甘肅總督制

應琚奉天漢軍正白旗生乾隆十六年由內
甯道僉事升任甘肅巡撫至是補授甘肅總督

又移原駐甘州之甘肅提督改駐涼州兼涼州鎮總兵官即以原設甘州提標中左右前
後五營官為舊標改設營標中營中軍副將都司其甘州提標之中軍參將守備隨提督

移駐涼州即改原設涼州衛標五營官為提標統涼州鎮標原設中軍游擊守備各一員
移涼州城守營都司為督標中軍都司移駐漢口參將改為涼州城守營參將又改設莊
漢標副將又改原屬涼州鎮之永昌協及
協領兼轄之大靖營俱隸甘肅提都統轄

秋七月總督吳達善 滿洲正紅旗進士 委請移安西道駐哈密詔可 安西道舊駐
乾隆二十年任 嘉峪關外之

安西轄安西同知 靖遠通判 暨安西沙州柳溝靖遠派金五衛自哈密阿內附朝廷德威
肅播越伊吾而西拓地二萬餘里民居日稠華夷雜處不可無大員以資統率至是吳達
善奏准安西道移駐哈密 設安西同知改駐巴里坤靖遠通判改駐哈
密五衛改設教場玉門淵泉三縣其新疆之烏嚕木齊設有同知通判等官亦俱統屬焉
哈密古伊吾地也監司所轄自東徂西超逾三千餘里哈密介東西之中路當衝要職差
辦事大臣滿漢官兵及各回部伯克人等輪班入覲絡繹於途至二十九年七月安西道
總督請於明發帑金以營之

乾隆二十五年春三月以秦州同城州判移駐二岔名曰二岔廳 先是乾隆二十二
年陝甘總督會同

甘肅總督議請移秦州同城州判分駐於此割州境東南鄉之黨家川十八村呂家集八
村三岔廳十三村柳橋七村胡店三村北峪溝十三村官莊四村吳砦七村戶一千三百
八十有奇

漢三雲在秦州東南二百二十里順祖禹云吳碧在上邽縣東紹興末吳璘恢復秦州置
署於此東至陝西寶雞縣界九十里東南至鳳縣界七十里南至兩當縣界七十里西至
州境九十里北至隴州界七
十里由四川入甘肅之大道

己未 二十六年改西甯大通衛為縣治 大通縣城即白塔營城舊青海地雍正三年因
番民歸附者衆且地通西甯甘涼乃建大通白

塔永安三城居之舊以太通為衛治乾隆九年西
甯道會事楊應瑞請移住白塔營城至是改縣治

案大通舊係吐蕃尕甘思地原屬羌戎隴中上游引極甘涼控臨青海內屏西甯外關
番夷縱橫約三百里城東原有古塔盤灰墜之故諺云白塔兒又名毛伯勝初有將吏毛

姓出兵於此自戰百勝因以名地始隸版圖往古歲月綿邈文獻無徵莫由考證俾自案
以及存漢獵狃匈奴實居於此兩晉六朝諸羌出沒湟中郡縣輿圖無常率皆或置或棄

隋開皇初吐谷渾據馬吐谷渾本鮮卑族原係慕容廆兄之裔西晉度隴據枹罕地煬帝
嘗師親征敗而走之既為李唐滅貞觀開疆米川縣旋改米州十年復廢米州為米川屬

之河州水徽中徙屬廓州五代之亂其地失陷遂為吐蕃所有宋時屬之唃廝囉元亦仍
之明為海夷麥幹所據海夷氏也麥幹名也藝文志內有海夷永邵卜傳清初為青海蒙

古部落地順治中逆回丁國棟據此作亂及其敗沒蒙古羅卜藏丹津繼之雍正初大將
軍年毅率岳鍾琪率師西來削平邊患廓清湟河三年築大通永安白塔三城分兵駐守

創設衛治大通城置總兵官并左右游擊兼以守備攝其中衛統白塔營參將永安營游
擊十三年改總兵為副將裁去左右游擊白塔營將改為都司隸之西甯總鎮乾隆九年

移衛治於白塔大通副將復改游擊二十六年改衛為縣加撥南關門外西甯縣屬十堡即合新城以南之地此白塔城為今之縣城而大通居縣城之北遂呼為北大通焉

壬午二十七年將回民掌教馬明心等逐出撒喇爾初循化撒拉爾回民分為十二工每工各有掌教韓哈濟係總掌教

乾隆二十六年與賀麻路乎同在章哈寺念經不和賀麻路乎另造禮拜寺三座韓哈濟稟知循化廳斷令仍歸一處賀麻路乎轉以韓哈濟串通馬國寶飲錢惑眾誘人人入教等情赴臬司控告而韓哈濟又訴稱新教首領馬明心夥同楊同子夥入撒拉爾與賀麻路乎馬索南韓哈勺等妄言禍福煽惑愚民經地方官訪明收馬明心等逐出撒拉爾距賀麻路乎等又以在章哈寺為壁畫門為圖妖言顯聖搖頭念經跳舞等因在臬司衙門具呈嗣經審明誣告照例擬罪並議該犯等既既有異同飭令撒拉爾十二工各舉一人充當掌教其新寺三座分開禮拜以杜爭端咨部完結蘇四十三係賀麻路乎一黨撒拉爾止此一種多穿白褐剪斷髮辮營中並無此類食糧之人其在循化河州充當衛役者間或有之至四十年春三月內舊教回民韓哈拉勿等以蘇四十三請來安定教師馬明心韓二個等另立新教因伊叔韓哈戶長不從互相仇殺共殺老教四十餘人等情在總督衙門告控

始移河州同知於循化營因曰循化廳

先是二十六年陝甘總督奏竊查河州同知現在駐劄河州城內其所管番民七十一寨

一十五族計四萬四千餘戶散處河州邊外之循化保安起臺地方相距河州城近者往返四三百里遠者七八十里不等一切命盜案件及戶婚田土詞訟俱隸河州同知管理

該丞遠駐州城既難遙制所管番民亦多未便當查該丞衙門從前兼管河司茶務有收
支疏銷之費是以駐劄河州城內今臣查明因虛設無益現已另摺奏請裁汰雖有存剩
陳茶搭支兵餉河州知州即可就近兼管應請將河州同知移於邊外之循保起三營適
中之循化城內駐劄則一切命盜詞訟案件俱得就近迅速辦理番民完納糧賦亦得免
於遠涉而湍棍匪徒不得潛匿滋事於番民實為有益至該廳每年徵收番糧係支給各
寺廟喇嘛口糧之用共寺廟二十一座內座落口外者僅二座其餘十九座俱在州城及
附近地方若令喇嘛均赴該廳新移地方支領未免有遠運之費應將口外二廟口糧仍
在該廳就近支領外其餘糧食即就近支領給循化等營兵糧兵丁應赴州支領之糧就
近支給各寺喇嘛則兵丁僧人均屬便宜其同知衙門照例建蓋舊有衙署估變歸公俸
工役食悉照舊制毋庸更改如此則要地得人制理似於地方番民均有裨益二十七年
三月吏部覆
准奉旨依議

案循化廳之名始此初設廳治時關防之文稱曰河州監收錢糧兼管水利蓋沿舊未及
更正也兼管水利始於乾隆二十四年巡撫奏換給關防增此四字然監收錢糧猶沿明
之舊名明時衛所皆有監收廳以司出納河州廳在明初河營
貴保起糧餉數萬皆仰給焉至清初而專司茶馬已無其實矣

案雍正初平定青海所有各寺院田莊實行起科番族俱納糧常差與漢民無異但亦有
例外者如卓尼名屬洮州而免納糧賦拉卜楞名屬循化而幾同化外乾隆二十六年陝
甘總督明德奏稱竊查河州同知現駐劄河州城內其所管番民七十一寨一十五族計
一萬四千餘戶散處河州邊外之循化保安起臺地方相距河州近者往返三四百里遠

者七八百里不等該丞遠駐州城既難遙制所管番民亦多未便應請將河州同知移駐邊外之循化城至是實行移駐名為循化廳所治分口內口外口內以拉卜楞之白石山脈為界口外以撒拉回民入工西番四十九寨南番二十一寨保安四屯夏河縣所屬之地在清代稱為南番

甲 二十九年陝甘總督白西安來駐兼管甘肅巡撫事 改撫標二營為督標五營中軍副將一員左右營參將二

員前後營游擊二員都司一員守備四員千總十員把總二十員經制外委三十員額外外委二十四員馬兵一千二百五十五名馬如其數步兵一千二百五十五名歲支俸餼馬乾銀四萬八千七百七十一兩九錢九分零木色糧一萬八千二百七十一石五斗五升料豆八千四百一十石五斗草五十五萬六千二百二十束

案明宏治中固原鎮設陝西三邊總督一員清初設陝西三邊總督嗣改為山西陝西總督又改為四川陝西總督後改為陝甘總督駐紮陝西省城乾隆時西陲用兵令陝甘總督駐紮蘭州至是奉旨蘭州巡撫衙門改為督署令該督移駐並兼管巡撫事無庸更設巡撫

是年復設涼州鎮總兵官移甘肅提督駐張掖縣以蘭州城守營參將以下等官澤州營千總一員金縣營把總一員及原隸蘭州營之紅城堡把總一員苦水堡把總一員原隸涼州營之歸德堡把總一員武威堡把總一員原隸定邊協之鹽場堡把總一員俱隸提督統轄以原屬提標之安西城守營哈密沙州二協靖逆布隆吉爾塔爾海橋赤金路

實黃教瓜州雙塔惠恩塔爾納沙等營隸把里坤總兵官統轄

乙酉三十年夏四月撫彝

今改臨澤縣

大飢通判高沅賑之

甘州府西百二十里曰撫彝西距樂增北倚懷城兩界祁連番

民環布地連沙漠蒙古居之民處其中以耕以牧崇尙釋教鮮事詩書乾隆十八年春總督以邊末要區民風強悍奏請移駐柳林湖通判兵農教養咸寄焉而崇墉傾圮雉堞崩頽無論湯徵備禦攸嚴即以郵傳之所出入而城郭諸國往來朝貢其於觀瞻亦非所宜通判高沅每切葺治之思而輸輓方殷不暇及也是年經春不雨麥苗焦枯黍粟麻豆粒不及種旬日來街市米價暴貴羣情惶惶十九懼死沅蹶然興曰此可以兼濟術也於是備述荒歉之狀態從經築之役總督俯念民瘼星言入告遂鳩厥工以七八載莫伸之隱願而克自靖於一朝以千萬口無告之窮民而獲食力於所事自十月十有一日夙興夜寢徒必自庀材亦親程用鳩僝蟻於萬一而子遺競奮無馨鼓之催庶民攻之不啻身家之計四方奚勝事非類於曉來百堵皆興功尤成子不日泊茲仲秋凡四閱月而告竣

戊子三十三年秋八月新疆昌吉縣流人作亂總督明山令安西州敦煌縣加意

嚴防

八月十五夜昌吉屯官備諸流人置酒山坡男女雜坐屯官醉後通諸流婦使唱歌遂頃刻激變戕殺屯官劫軍裝庫據其城十六日曉報至烏魯木齊大學士溫

齊即今
城即官

某促聚兵時班兵散在諸屯城中備一百四十七人然皆白賊勁卒視賊處如也温率之
即行至洪山口守備劉德叩馬曰此去昌吉九十里我馳一日至城下是彼逸而我勞彼
坐守而我仰攻非百餘人所能辦也且此去昌吉皆平原瑪納斯河雖稍闊然處處策馬
可渡無險可扼所可扼者此山口一線路耳賊得城必不株守其勢當即來莫如駐兵於
此借陡崖遮蔽賊不知多寡俟其至而扼險下擊是反攻為守反勞為逸賊可破也温從
之及賊既至德左執紅旗右執利刃令於衆曰望其塵雖不過千人然皆亡命之徒必以
死鬪亦不易當幸所乘皆屯馬未經戰陣受創必反走爾等各擊槍一隊跪但伏而擊
馬馬逸則人亂矣又令曰望影揚槍則槍不及賊火藥先盡賊至反無可用爾等視我旗
動乃許鳴槍敢先鳴者手刃之俄而賊衆槍爭發碎旬動地德曰此皆虛發無能為也迨
鉛丸擊前隊一人傷德曰彼槍及我我槍必及彼矣舉旗一揮衆槍齊發賊馬果皆橫逸
自相衝擊我兵譟而乘之賊遂殲焉温歎曰劉德狀貌如村翁而
臨陣鎮定乃爾參將都司徒善應對趨踰耳故此役以德為首功

庚寅 三十五年秋八月皋蘭縣知縣奇明 字乙照滿州 饒白旗舉人 設粥廠以賑饑民 是年大旱 民無所得

食奇明捐廉設粥廠為粥食餓者更借薪雜石灰糞粥食者或死輒以疫癘為辭奇明廉
知其弊重杖吏射宿廠中檢閱新米每釜粥熟必親嘗之病者施以醫藥相數月不懈活
饑民萬數民生賴之
後遷皋蘭州直隸州

卯辛 二十六年歲蘭州河捕同知 初臨洮府同知於順治四年移駐蘭州康熙二十五年
裁臨洮府同知改為蘭縣同知皋蘭縣之廳糧即始於

此雍正八年又改隸同知為河捕同知
專司橋稅茶法暨捕盜事至是裁其缺

案康熙六年甘肅巡撫劉斗重修文廟碑後列銜名有臨洮府蘭州同知是臨洮府同知
未裁以前兼稱為蘭州同知也皋蘭縣舊志同知題名栗生康熙二十四年任次則王

永壁康熙二十七年任是臨洮府同知既裁以後即改為蘭廳同知也
蘭州府志統稱為臨洮府同知皋蘭舊志統稱為河橋同知似屬素混

慕壽祺曰甘肅航路由西甯至蘭州或由蘭州往甯夏賴有河捕同知稽查偷漏不惟存
關商務地方稅亦漸次增加未始非整頓之一法也此區區者所費幾何乃竟裁撤惜小

費而忘大計欲運之通也難矣淮南子曰量粟而春
數米而炊可以治家不可以治國籌邊者其知之

壬午二十七年總督勒爾謹將甘州涼州西甯一提二鎮各廠駝隻解赴巴里坤

駝運兵糧

先是乾隆二十五年總督楊應琚因巴里坤水草充茂請將涼州蘭州安提
標各廠馬一千四百匹分撥巴里坤牧放又於三十四年總督明山以西甯

牧廠生息繁多奏請將西甯現牧之馬量為分撥甘涼兩各提鎮牧放是將甘涼西各廠
駝隻解赴巴里坤駝運兵糧所有桃刺兒母驢駝於三十八年立廠起是謂舊廠嗣於四

十一年內停止駝運兵糧將此項駝隻盡行撥入巴重坤孳生廠內是謂新廠兒母駝隻
以一百六十隻為一羣委守備一員督率經理並照馬廠之例酌派千把外委牧長牧副

兵丁為牧人每至五年均齊一
次亦以孳生之多寡分別賞罰

駝似馬而高頭似山羊長項垂耳棕鬣肉肺脊有肉鞍隆高若封土有蒼赤黃羯白五色性靜而順喜濕惡卑濕受濕則病恐生癩嗽囊可愈啖青肥草不食嚼過其臥腹不粘地屈其足大者重千斤高八尺輕行而速踏蟲不傷諺謂蟻聚遭駝踏以爲雲過也善知人意人欲載輒屈足受之人欲下輒屈足待之能致遠多日不食故天方旅人行遠者必用駝執駝人計其所適主之路行三日無食則約之以三日不食五日無食則約之以五日不食期盡則鳴荒服之地常有惡風傷行旅風將至駝先引頭以鼻口吸地人見之則以氈擁蔽口而避其患又沙漠千里無水有伏泉駝遇其處遲停不進以足跑地掘之常得水駝具十二生相備五德羊言龍項鷄曰焉耳鼠唇蛇尾牛齒虎胸犬腰猴毛兔唇豕趾十二相也舒行而輕蹄不傷仁也一駝未至羣駝不飲一飲未畢羣駝不去義也一駝爲之領羣駝從之不致先不致犯也風未至而先覺水未見而先知智也約食之期不至不鳴信也此之謂五德

癸巳二十八年循化廳回民新舊教相殺

新教誘老教附已老教殺新教一人新教殺老教四人同知張春芳照番例罰服枷責而

已四十五年秋老教又殺新教一人蘇四十三遂與韓二箇謀逆

甲午三十九年州滿開探西甯所屬大通縣官金廠大通所屬扎馬崗地方素產金砂甚旺至是始招商開採商歲納正

大清高宗純皇帝御製

慕善曰善善邊者在開財源商阜物產使人人食力不仰給外省此救時之善策也大通縣所屬扎馬圖官金廠地處邊外招商開採以來公私均有裨益僅歷四十餘年那彥成辦理野番搶掠案以甘州之野牛溝肅州之赤金湖等處素產金砂為漢奸盤踞之所業經封閉復恐漢奸潛蹤扎馬圖官金廠奏請一體嚴行封禁致已開之財源復行封閉因噎廢食其斯之謂乎

設宜禾縣隸甘肅鎮西府

巴里坤舊為準噶爾地雍正間平額魯特以重兵防守設鎮西府管縣一曰宜禾縣西入站

建城曰古城設領隊大臣一統轄四十年改烏魯木齊同知為雅化州亦隸甘肅鎮西府

丙申 四十一年賜明末甘肅死節官紳林日瑞等謚法

先是明崇禎十六年十一月流寇李自成黨賀錦進逼甘

州甘肅巡撫林日瑞聞警結西羌嚴兵以待自率副將郭天吉等守河干十二月賊騎水過直抵甘州城下日瑞入城戰日守大雪深丈許日偕紳衿登陴固守飛檄求援而卒無一人來是月甲申日賊乘夜坎雪城陷死者四萬七千餘人日瑞被執誘降不從賊怒磔之總兵官馬燧副將郭天吉撫標中軍哈維新姚世儒監紀同知藍臺及里居總兵官羅俊傑趙官萬龜王汝金等共四十餘人同日死是時赤縣神州蹂躪殆遍堂高簾遠孰為之表彰後有馬義瑞者就目所親耳所聞者著天山雪傳奇足為死難諸人發潛德而慰忠魂矣就中知醫生費國興毒賊被屠亦佳劇也王汝金聞城陷自刎賊焚其祖綱愍忠嗣並殺其全家何太酷也噫居上游之地勢有可用之材而竟為賊所屠豈明之歷數將

終非人力所能挽回也清自順治入關以至乾隆極盛向之屍與城等至是而朽骨一空
蓋天下之太平久矣誰復追維往事舉明末死難之官若紳一一而爲之請諡哉不圖前
代之臣同邀易名之典主是賜諡忠烈者林日瑞馬嶺郭天吉賜諡愍節者藍壽趙宦李
汝璋高登科趙文選羅俊傑姜宏基賜烈愍者劉國棟哈維新楊威李棲鵬張鴻勳歐陽
袁張攀萬頤趙宗禮段自宏姚世儒趙宗祝姚天龍王嘉官二十四人恩予入祠者朱一
桂童志道劉燦保獻書張聖翼童士楷康萬秋費國興祁士英馬騰錦李集鳳羅俊士張
之衡蔣明理康國新丁掄梁進德周公臺郭士潔李起鳳李翔鳳二十一人并附祀者陸
一桂吳木泰王汝金范友諱湯虎陶萬柱馬虎陶萬國陳通法郭秉忠十人主哉帝皇之
度卓越千古矣初順治時工科給事張某請卹明末甲申殉難諸臣范景文孟兆祥孟章
明凌義渠申嘉胤陳純德張慶臻劉文炳衛時春許直制曰可每歲於三月十七日致祭
乾隆四年允廷臣之請又諡殉節明臣趙讓諸人湛恩滂鴻施於異代前此所未有也至
四十一年復命大學士九卿等博稽史通志攷明末殉節臣民姓名行迹分別專諡通諡
及入祀所在忠義祠共四千餘人而甘州殉節官紳乃大彰於天下道光三年張掖縣知
縣胡秉虔擇地於甘州東關之南建忠烈祠並爲碑記後之覽者當益動其忠君親上之
心矣

蘭州府知府康基淵

字靜溪山西
興縣進士

初建皋蘭興文社

乾隆三十八年基淵由鎮原
縣知縣升任皋蘭愛民重士

後建蘭州知府邑舉人張繹武邵榮清等以修學社餘銀百兩呈請發商生息爲鄉會試
卷費基淵少之首捐四百金並募同寅之曾任縣事者王重望蔣全迪奇明吳鼎新鄭陳

子
有

善陸璋共助之得五千八百金發商生息歲得息銀六百九十四兩為鄉會試士子道里費舉蘭之有興文社自此始前翰林院編修舉蘭梁濟瀝作試資銀頌德記以述其事案清嘉慶十一年陝甘學政康綸鈞按試至蘭州試竣邀舉蘭士大夫仕今實業待行社歡晏酒酣起而言曰予前蘭州府靜溪公之子也幼隨先君之鎮原從鎮原進士張先生士育遊經史之學稍窺門徑後隨任主舉蘭嘗遊五泉之麓登白塔之巔以擴大其胸襟幸步木天重遊舊地何幸如之啓節時復捐廉若干兩作舉蘭興文社經費

丁酉四十二年十一月河州民人黃國其等念經聚聚陝甘總督勒爾謹捕而誅

之

總督勒爾謹疏報河州民黃國其家聚集多人豎旗念經令居民供應糧食該署州往捕輒恃眾拒捕傷差臣隨與按察使李本先後馳往查辦諭曰內地民人敢於設

教聚眾並立有教主豎旗占聚一村入教者皆以白布為號即與前次山東叛逆王倫無異其情罪實為可惡所有有夥各要犯必須上緊弋獲盡法重治處罪以示嚴懲但陝甘兩省回民最多而易滋事此案若係回民或恐恃其勇悍敢於抗拒不可不用官兵剿捕今勒爾謹前往自必帶有兵役第恐為數無多或不敷應用提督法靈阿近在該省應即選帶精兵星夜馳往協勤如各犯業就全獲則已若尚有抗拒情形法靈阿即在彼調度加之以兵或擒或勦相機妥辦勿使一犯漏網就獲勒爾謹即將案內各要犯嚴訊起意聚眾煽惑糾約各實情分別凌遲斬決一面於該處正法梟示一面奏聞尋奏言臣抵河州已據該州拿獲石忠信等究出首犯王伏林等有潛謀攻搶河州倉庫情事隨帶兵至王家坡巢穴戮賊眾四百餘名生擒五百餘名王伏林黃國其等業俱伏誅辦理妥速賞給朝殊荷包並交部議叙

辛丑 四十六年春二月撒拉爾回因爭教仇殺先是乾隆二十七年有安定回馬明心遊回疆歸入循化循化廳撒拉爾所居

十二工訛言別受真經倡傳新教舊教回韓哈濟等斥為邪說稟諸官逐去之是年三月

白莊工蘇四十三同清水四工韓二箇等復延明心為新教師與舊教八工韓哈戶長及

姪韓哈拉勿等互仇殺舊教死者四十餘人韓哈拉勿等赴省告變

案循化廳志撒喇回子不知所自考其種即今新疆之纏頭回也河州志撒喇川在州西

積石關外二百里今廳循化城在撒喇八工適中之地距河州正二百里是此地本名撒

喇川其先蓋已番人所居明初韓寶等於洪武時歸附其所自言功績一云收集撒喇爾

一云撒喇地方撫番有功或前明賜以此地或彼據而有之居之既久遂以其地為名故

曰撒喇回子然撒喇川之名反隱今人有謂撒喇本其部落之名又謂係其先所居口外

地名者皆非也自明及清屬於河州廳領茶中馬為番族十九族之一其人頑梗不馴素

稱難治至乾隆四十六年蘇四十三作亂俱就誅夷村莊半燬乃併十二工為一工草

壩工入與街子工別列工入於蘇只三崖慢工入於張哈工打速古工入於清水工西

四工如街子工查家工蘇只工十司韓景管查漢大寺工十司韓光祖管謂之上四工東

鄉四工如清水工十司韓景管查打工張哈工夕廠工十司韓光祖管謂之下四工然循

化廳實徵册仍十二工之名蓋地未嘗減也共納銀八十六石二斗七升二合

逆回蘇四十三殺蘭州府知府楊士璣於白莊子先是總督勒爾謹聞變後委蘭州知府楊士璣河州副將新柱率領

標兵前往查拏十八日士機駐起台堡新柱至白莊子蘇四三約會新教之人暗帶馬槍器械偽稱循化舊教回民跪迎道左新柱呵其爭教滋事逆黨大譟戕新柱機從兵擁入起台堡殺士機其時勒爾謹審出馬明心傳教滋事飭安定縣黃道照將馬明心拏獲解省收獄

案循化廳舊志蘇四十三者本河州回民也其祖始遷居撒喇街子工父蘇那黑置莊田於查家工之古節列莊遂為節列莊人賀麻路乎既遺四十三遂為新教之魁馬明清歸關川往來常視之又右韓二個者清水工河西莊之富回也亦為新教頭人四十三以謀而二個以財兩人互為用四十三常主於二個之家潛蓄異志散家財多造鳥槍藏於家然徒衆未盛謀猶未露也清水工分河東河西二莊河東皆老教河西皆新教三十八年九月新教誘河東莊附已韓個牙等奔而從之者二十家老教赴廳控理途遇爭鬥殺新教一人同知張春芳斷以罰服案猶未結十一月韓二個率其黨入河東莊殺死老教四人亦照番例完結二個枷責而已自是之後爭鬥不息然文武官差弁役彈壓尙知畏法斂退至四十五年九月打速古莊有喪兩教復爭鬥傷新教一人數日而死同知洪彬斷以半命罰服而蘇四十三韓二個主使屍親不具領十二月十六日蘇四十三遂於韓二個家殺牛羊會草灘壩八工新教令備器械將盡殺老教滅上司上六工以已主之下六工以二個主之四十六年正月初八日定匠莊新教馬八十個等遂起事殺別列莊老教一人圍定匠莊老教之家別列乙麻木二莊老教救之互有殺傷十二日蘇四十三韓二個率其黨千餘人圍清水河東莊攻入之殺二人獲其戶長卽哈戶長韓三十八等十八人脅韓三十八降不從得而殺之餘皆惶懼乞降蘇四十三戴大紅頂自稱回王韓二個以下皆藍白頂立旗號遂圍下白莊紅莊張哈莊里長莊上拉便等莊所遇皆勒令獻器

械歸降老教亦集衆相拒而勢不敵傷亡者多其莊小戶寡者或降或逃或入城赴河州
控告自正月至二月放火殺人一日不絕也其時洪同知在省中游擊胡松阿差弁帶兵
往來彈壓而不能禁止以書及檄速洪之歸洪病以爲蠻夷仇殺之常不介意遷延不至
主韓三十八之子赴總督喊控始於三月初回署而勢已猖獗矣初七日文武同至查家
清彈壓老教尙畏避新教即於其前施放鎗箭二人初八日又圍其莊逼降乃連具兩
稟敘實在情形而其時老教韓哈拉勿亦赴總督衙門控告總督委蘭州府知府楊士幾
赴循查辦隨接總督稟又委河州協副將新柱會同彈壓辦理然猶飭以鎮靜妥辦其意尙
欲顧預了局也委員候補通判謝桓先數日到循傳諭蘇四十三等赴案不從十八日新
副將先入境新教僅四十名徒大言耳蘇四十三等聞是言反志益急卽於是日在張哈莊殺
之然所帶兵僅四十名徒大言耳蘇四十三等聞是言反志益急卽於是日在張哈莊殺
牛羊糾聚徒黨議舉事是夜新副將宿白莊而楊知府宿起臺堡有老教二人逃出莊逆
黨迫其一殺之一人奔至白莊公館告變新副將以爲妄言驅出之不設備所帶器械皆
東驟馱上未解也一更時蘇四十三率其黨一千餘人圍公館擁入新副將猶未臥便衣
坐椅上卽就刺殺之剝其頂戴衣服蘇四十三服之循化外委劉漢時隨家人劉榮慶役
杜金玉鄧哲崔布青長王金馬夫楊進善馬才馬東卜朱祿張伏皆死四十兵僅一二得
脫劫馬十三匹驟二頭次日黎明早起臺堡中已得信城上放鎗礮然本堡兵不滿百河
州來兵僅六十力不支午刻城破楊知府端坐館中蘇四十三人見猶執部民禮叩拜其
黨曰今已反矣何拜爲楊遂大罵羣擁至庭刺殺之署守備徐登彥經制外委陳伏得
及隨來之珍珠族土司韓成璠皆遇害蘭州府刑書陳繼昌府役梁宗世門子司成美河
州後團昌等麻役慈伏全劉生增姜成陳進寶陳興庫陳友庫豆有庫黨守全馬夫劉法

朱信白珍俱死獨其家人韓永懷印逃出繳於狄道州庫其幕友韓某逃出堡遇賊盡剝其衣凍死山中蘇四十三奪帳房軍械驛馬等遂趨河州迎其師馬明清循化城於十九日早得白莊之信時在城者胡游擊洪同知關通判及貴德游擊白守忠亦奉委來者乃聯銜移河州飛稟督司道府請兵西甯調撤拉老教及各番寨土兵爲城守計分兵境內搜捕逆黨及其家屬二十三日署西甯鎮總兵黃楚達爾永安營游擊祥某亟調兵至二十四日祥游擊領兵五百土司韓昇領兵五百赴河州追勦三十日貢總兵謝通判白游擊又領官土兵一千五百名繼進然賊已於二十一日破河州知州周植走死入循化縣行署殺洪同知之親汪有介及廳役崔奉良姜春魁雷昇大掠其什物遂由小路趨蘭州時總督勒爾謹在狄道城中無兵賴布政使王公廷贊率民夫力守得全官兵既集賊遂據華林山凡四閱月至七月始滅云馬明清者二月內老老教執新教一人名畢梁瓦者送官訊知有約馬明心之信謝通判密遣捷足役由間道至安定時安定令黃道興設計賺馬明清進城解省報明此事將馬明心寄縣獄蘇四十三等攻城時殺於城內以絕患韓二個則攻河州時中斃死蘇四十三等皆殲於華林山其未赴省及逃亡并其家屬自三月至八月爲循化兵捕殺一百餘名生獲男女幼孩六百餘名逆黨皆正法婦女遣伊犁給兵丁爲奴男孫遣雲南監斃及逃匿深山凍餓死者不在內凡撤喇十二工惟查汗大寺孟達夕廠三工無新教其九工新教凡九百七十六戶皆勦盡無餘房屋多燬所遺田地給老教土兵陣亡之家屬分種以爲勸

回匪搶據河州城遂進逼蘭州

先是總督勒爾謹聞土機等遇害檄固原涼州甘州西甯肅州提鎮兵相機勦捕并令提督仁和前往會辦自

率按察使福崧及督標兵五百人以往二十一日行抵沙泥驛聞十九日新教逆回二千餘將河州守城兵殺死蜂擁而入搶據河州城乃馳抵狄道州奏稱回匪新教蘇四十三已將河州攻陷奴才因兵力尙少見在屯兵狄道州俟各地營兵調齊即行進剿等語帝已傳諭西安提督馬彪帶兵二千名迅速前往並諭西安將軍伍彌泰甯夏將軍莽鵷賚各選集兵一千名預備備須調用即令前往協同勦捕伍彌泰旋奏臣等於三月二十五六等日陸續帶兵前往諡曰據伍彌泰舉沅等奏提督馬彪已於二十五日馳驛前往並選兵一千分起迅赴河州又伍彌泰見挑西安滿兵一千預備親自帶兵接應所辦與昨降諭旨相合甚屬可嘉時大學士公阿桂尙書和坤先後奉命督師上以阿桂和坤未到之先西安至蘭州一帶需調度諡曰伍彌泰帶兵前進計此際已抵甘省所有一切調度應辦軍需糧餉各事宜即著伍彌泰悉心經理並著傳諭尙安就近即速馳赴隨同伍彌泰辦事仍將如何經理之處一面迅速覆奏而是時河州所屬洪濟橋唐家川六處回子均係馬明心新教徒弟爲蘇四十三紮筏渡河及蘇四十三分遣賊匪往安定會甯一帶求教既濟洮河賊詢知省城無備於二十二日自唐家川至洪濟橋宵濟洮河取尖山子門道潛襲蘭州二十四日焚阿干鎮二十五日晡時至西川屯亂骨堆坪二十六日督標兵八百迎擊失利賊斷浮橋過河西援兵大肆焚掠城西南兩面煙燄燭天帝聞蘭州被圍諭勸爾謹曰撤拉爾因爭立新教致相仇殺如新教占據州城則曉諭舊教之人救其互相爭殺之舉作爲前驅令其殺賊自效如此以賊攻賊伊等本係宿仇自必踴躍爭先既壯聲勢又省兵力而賊勢益分勦滅自易

命大學士阿桂爲欽差大臣自河南丁次赴蘭州勦匪

帝聞蘭州危
急故有是命

命戶部尚書和坤超勇侯海蘭察襄勇伯明亮等率健銳營火器兵二千來甘

又派護軍統領額

森特前往甘肅

慕壽祺曰堯雖賢興事業不成得禹而九州甯是以漢文帝時匈奴大入北地令丞相灌嬰將騎八萬五千擊匈奴匈奴去撤回小醜非匈奴比也和坤將兵又非若灌嬰之身經大敵也以區區羌虜數千致勞丞相親征帥師久無功辱國實甚藉非阿桂還擊燎原之勢已成矣欲甯謐西陲惟在擇任將帥哉

夏四月官軍恢復河州

時逆回進逼蘭州焚燒關廂困守兩晝夜索取賊首馬明心布政使王廷贊許令城上一見後即行正法將馬明心之子及婿

放令出城未幾西安將軍伍彌泰陝西提督馬彪先後至蘭州是時賊衆僅二千人官兵至者已萬餘可期一鼓殄滅而一軍兩提督竟畏賊莫敢先戰惟使上司韓煜率舊教回兵衝鋒幸賴西甯總兵貢楚達爾帶領漢土官兵由循化一帶截賊歸路收復河州擒獲逆回蘇四十三弟姪置諸獄並戮斃要犯婦女多人涼州總兵德甯城守尉額爾恆阿固原鎮總兵圖欽保莊浪土司魯璠分路帶兵陸續前至蘭州提督仁和令德甯額爾恆阿一面把守橋口一面直渡黃河賊據南山官兵再戰殺賊甚多圖欽保親行殺賊四人將逆匪擊退上山

逆回圍蘭州破西關攻省城官軍禦之力遂退屯華林山

撤拉爾回自河州來撲省城先破內關據禮拜

治五年總督
番斌出省標
變蘭州秩序
不可保林之
出爾繼特其
真王廷贊同

寺悉銳薄內城布政使王廷贊捕得城中奸細悉誅之率官紳兵民固守賊用雲梯來攻
兵民爭下石擊賊復排墮女牆壞其雲梯賊積薪燒外圍實土堅甚火攻不能入時甘州
提督仁和援兵壁金城關但繪圖議戰無過河意而賊攻西城益急人負一板趨城下用
木驢掘土圍將穿且謀索馬明心初賊未至之前廷贊檄安定知縣黃道興捕明心與其
子堵送省城獄至是出其子堵予賊而使明心登城諭之賊望見攻稍緩皆伏地跪拜誦
新教經明心俯向賊作番語色甚厲俄挽頭上巾擲城下賊嘯而起攻轉急廷贊已將城
圍川大石填固遂戮明
心於城坡誓死捍禦
慕壽祺曰蘭州城大而兵少城臨城下人心惶懼且總督勒爾謹在外此其勢未易守也
王廷贊以監司大員不持寸鐵而能力遏凶鋒其膽量可知矣後至同治五年蘭州擄兵
變布政使林之望維持現狀
非皆文官中之特色也哉

甘肅通志卷之十八終

